



# Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com



TAPAK 9

Nirbhaya ken o nung SC telemtetba pelaa agizüker: Maneka

TAPAK 7

Demi Lovato-i documentary ka nung tongti shilem agitsü



VOL. XIV NO. 196 (ADOK 196)

DIMAPUR

SATURDAY

MAY 06, 2017

5.00

## Police Dept. nung tzümarlongmar 239 shimba anema okadak keno benokogo

**Dimapur, May 5 (TYO):** May 5, 2017 anogo Gauhati High Court, Kohima Bench okadak nübur asoshi inyaker Wb. S. T. Yapang Lkr ajanga PIL keno ka benokba court ajanga agizüka yuogo.

Iba keno nung Police Department nung 2013 nungi 2016 tashi nung taila appoint asürtem repringshitsü aser bushisingdangtsü asoshi agizüka yuogo.

Wb. S. T. Yapang Lkr-i RTI application ajanga ngutetba agi Nagaland Police establishment

(Police Battalion, DEF, NPTO, Police Engineering Project aser PHQ) nung tzümarlongmar (Non Local) 239 tashi aniokba khuli tejangja lir.

Iba keno angadanga sülen Okadaki tanü nungi Police department aser establishment-tem nung iba amala tenzüng agi memelaba mapa nung manioktsü tetuyuba agütsüogo.

Iba keno ya Obendanger (Justice) S. Sereto ajanga angadang aser nübur tenüng nung okatsürji Advocate Wb. N. M Jamir liasü.

## Nirbhaya ken o nung tai tonglojja alirtem alensetsüsü

**New Delhi, May 5 (Agencies):** 2012 December ita Delhi nung arishi küm 23 tain tetsür kaketshir ka bus gari nung tashiyim agi raksatsüba aser reshikangba atema nisung pezü süngzü agi alensetsüsü tanü Supreme Court-i obendang agütsüogo.

Supreme Court nung obedangertemi tetsürlai, la tasütsü lia tatalokba osang metetdaksüba indang kuli nung ammeter, 'iba ken o nung aibelenertem ya tasüba agi

merenshitsu dalang' ta ashi.

Obendangertemi tapak 429 aliba osang agütsüba nung, "taochi mali", "tesempatsü", "meimchiri mebilemdangba" aser "shiruru mesük" ta asüba olungtem aiben tetshia lir.

Iba tetsürla dang temeimertemi "Nirbhaya" (tasütaut) ta jaloktsü aser tanü lar tsüraburtema okadak lia obendang agütsü. Iba mapang okadak alirtemi teka madena obendangji pela agizük.

(Maneni tapak 12 nung...)

## UNTABA-i sorkar dang akhanger

**Dimapur, May 5 (TYO):** United Naga Tribes Association on Border Areas (UNTABA) mendenbuba Hukavi T. Yeputhomi-i anir ketdangpurtemi May 4, 2017 nü Chief Minister den ajurutepe senden ka amen.

Iba senden nung UNTABA-i Chief Minister nem Memorandum ka agütsüba nung, Naga nungeri Naga nunger lushi meyipa bener arutsü mapa inyakra ajanga Naga yimten mapa tenzü, anungji Nagaland aser Assam tsüngda

artsü ken o ya yimten tebilemstü lemtetdang angatetteptsü takhangba agütsü, ta UNTABA Joint Secretary, Ruchuyhun Keppen-i sangdong ka nung ashi.

Maneni, UNTABA-isa 1972, 1979 Interim Agreement tem aser Nagaland, Assam aser India sorkartem tsüngda MoU tem agitepa alibatem meyipa repringshimtsü aser Naga nunger litsü nungi Disputed Area Belt (DAB) agientsü takhangba agütsü.

(Maneni tapak 12 nung...)

## Nisung shibelenba indang 'legal awareness' sentong agi



May 5, 2017 nü De Oriental Grand, Kohima nung NSCW Chairperson, Dr. Temsula Ao-i legal awareness programme nung o jembidang agiba noksa angur.

**Dimapur, May 5 (TYO):** May 5, 2017 nü Nagaland State Commission for Women-i National Commission for Women, New Delhi den yaritepa De Oriental Grand, Kohima nung Human Trafficking indang sentong ka ayongzüka agiogo.

NSCW-i NCW, New Delhi den yaritepa taküm March ita nungi Human Trafficking indang Legal awareness sentongtem

ayonga agiyonga arudar aser maneni May 2017 tatemlen tashi agitsü, ta tanü Dr. Temsula Ao-i sentong lapoka jembidang ashi. Mezüngbuba sentong asemji Kiphire, Tuensang aser Longleng nung college tem nung agi, iba sülen Meluri, Noklak, Tobu, Aboi and Longwa, Dimapur, Peren aser Chiephobozou nunga agiogo aser tang Kohima nung sentong 14 buba agir, ta laisa

metetdaksü.

Iba osang jangja memetetba Naga nungertem aser talisa meta talang pilar aliba nisungtem dang nisung shibelenba inyakyim nungi jenbua alitsü atema iba sentong ayonga agir. Nisung kari yimtsüng aser jilatem dang nungi state adena orr taküm jangratema alir ta tiyazü shia, nisungtem anir aoyer, ta Dr. Temsula Ao-i ashi.

(Maneni tapak 12 nung...)

## DoSE atema tebilemstü ka ajurur: NGHSSEA-i lungkak aittsü

**Dimapur, May 5 (TYO):** Nagaland nung School Education Department asoshi ano tebilemstü ka ajuruogo, aser ibaji May 10, 2017 nungi Higher Secondary cadre kübok ketdangsertemi shilem lemsar lungkak aittsü amokmerenba lir.

"Nagaland Government Higher Secondary School Employees Association (NGHSSEA)-i sorkar dang May 9 tashi nung onük pezü takhangba agütsüba mapa küma inyaktsü mapang latetja lir.

Sorkari ibaji meinyakra NGHSSEA-i anogo asemnü atema mezüngbuba lungkak aitba shilem agitsü" ta tanü NGHSSEA president, Kelhikha Kenye-i osangbener dang ashi. NGHSSEA-i sorkar nem takhangba agütsübatem rongnung, incumbency list benoktsü aser School Education Department nung ketdangsertem pay slips angutsü atema continuation agütsütsü atema lir. Department nung Secondary aser Higher Secondary officers tsüngda züngsemtem menden ajungketba inyakyim nung tetsükdaksü aika ajurur. Anungji, department nung higher secondary section nung ketdangsertem indang seniority list adokjang, ta NGHSSEA-isa

takhangba agütsüogo.

Parnokisa sorkar dang, mapa tazüng alibatem nung higher secondary ketdangsertem menden ajungketa mapa lezmüksütsü takhangba agütsür.

Sorkari March 6, 2017 nü Government Higher Secondary School 23 nung principal tem ket nungi Drawing and Disbursing Officer (DDO) tashi agenba aser ibaji District Education Officers nem agütsüba meyipa repringshimang, ta NGHSSEA-isa takhangba agütsüogo.

Tanü osangbener senden nung NGHSSEA ketdangsertem den külemi GHSS nung principal tem aser ketdangsertem aden.

## Ao arangtet tatidang tenyim balala nung nisung 91-i takok angu



Tenyim balala nung graduate asürtem den tongti tesemdang Rev. Dr. Mar Pongen, Ao Senden Tir C.Angang Jamir aser ASLB ketdangsertem noksa nung angur. Mokochung, 5th May, 2017

**Mokokchung, May 5 (TYO):** 4 buba Ao Senden Literature Board (ASLB) Arangtet Tatidang takoker nem kulikaket agütsüba sentong tajung ka yangi Mokochung Town Hall nung meraketa agiogo.

Taküm Post Graduate Diploma, B.A Diploma batch balala nung takoker ajak agi 91

liasü aser Ao Senden tir C. Angang Jamir aser ASLB mendenbuba Prof. A. Lanunungsang na ajanga takoker nem akhümketa kulikakettem amoktsüogo.

Iba den ano Jemtimenba Mollier Foundation (JMF)-i tenyim balala nung marks teimtiba angur nem JMF Award agütsü

asur taküm iba senpetji; Post Graduate Diploma 2016 nung Nungshienla, B.A 2014 batch nung Meyalepden, B.A Diploma 2015 batch nung Easterna Supong, B.A Diploma (5 years) 2016 nung Asapokla Imsong aser B.A Diploma (3 years) 2016 nung A.Chubayanger Longkumer

parnoki agizük. Tanü iba sentong nung tongti tejaoker Clark Theological College Principal, Rev. Dr. Mar Pongeni jembidang, pei tetsü oshi meranga bushia zünger takok ngutetba ya tanga takoktem den medemdangtsü makok, iba yabo nai mezüng angazüka jembiba

oshi nung takok anguba lir, anungji, takoker ajak nem tenüngsang agütsür, ta ashi.

"Oshioben aser kaketkeno bushiba aser meimba ajanga alima arakzüdaksür, iba ajanga nisunger tashimetet aser tangatetbatem renloka kümdaksür", ta pai ashi. "Oshioben aser kaketkeno nungji tashi lir, kechiaser ibai nisungi memeteti aliba, mangashii aliba, tongtibang mesüi toktsüba, itemji metettsü, angashidaksütsü aser tongtibang kümdaksütsü tejangraba nung ajemdaker inyakra ka lir", ta paisa shisem.

"Kaketkeno aser oshioben renlokba jagi kin ka aser nüburtem tejakleni aoba sayur. Kaketkeno züluba nung renlokba indang jembidang, pei tetsü oshi mesamadaksütsüla aser ibai meimchir taküm ka asoshi tongtibangtiba lir", ta pai ashi.

(Maneni tapak 12 nung...)



## YNP-i ayonga Dimapur nung angati Medical Camp kaogo



Dimapur, May 05, 2017: Hokolbarnü Dimapur, half Nagarjan kiyong nung YNP-i ayongba angati medical camp nung Miss India Elite, Dr. Priyadarshini Bora-i shiranger ka temang tendangba noksa nung angur. Kasa noksa nungsa Naga beauty queen, Imlibenla-a angur.

**Dimapur, May 05 (TYO):** Young Naga Personalities (YNP)-i ayongzüka tanü, May 05, 2017 nü tang Victor 1st NE Badminton Championship tasayadak tesem, half Nagarjan Indoor Badminton Stadium nung angati medical camp ka katsüogo.

Miss India Elite, Dr. Priyadarshini Boram ya doctor ka lir, la Guwahati nungi arua YNP-i ayongba medical camp nung shilem agia shiranger aika temang reprangtsüogo.

Dr. Priya-i, iba medical camp nung shilem agiba atema pelar, aser YNP-i ayongba free medical camp nung shilem agitsü atema Naga beauty queen, Imlibenla-i la dang asüngdangdang lai idangyongjisa molungsoa agizük, ta metetdaksü.

Arishi küm 25, Dr. Priya-isa, lai lokti nung temelenshi atema inyakner, koba ajanga beauty queen dang masü saka nukjidong yur inyakner ka ta teratet taliba jangjatsür, ta

metetdaksü.

Tanü Medical camp nung tanur-tain aika temang tendangogo aser angati mozü lemja liasü. Iba dak alia tepu meyuba brush den tepu meyuba 'gel'-a angati lemja liasü.

Dr. Priya dak alia kasa camp nung Temjennungsang Longchari (Indian Health Professional Award 2016 agizüksang; Best practicing dentist of the year), Dr. Tiatula Longkumer (MPT Neurology), Dr. Thungbemo Humtsoe MBBS, Dr. Kihoto DNB, surgery aser Dr. Abangdi Changkiri MBBS General Practitioner nungeria shilem agi.

2017 March ita nung tentetba YNP nung beauty queen, Imlibenla densema züngsem 19 lir, aser parnoki Futsal match; Penalty shoot out aser medical camp densema sentong balala aika ayongba ajanga lokti nung nisung aika ajangzükdar.

YNP züngsem, Vicato Aye-i, asüng züngsemtem lokti senden amentsü, aser iba senden nung Naga lokti tajangzük angutsü atema tebilemba onük aika benoka o lemteptsü, ta metetdaksü.

YNP züngsemtem rongnung kentenertem, football asayartem, lokti atema inyakertem aser doctor tem densema lir.

## Naga nunger Arrla 371 (A) nung dang longjema lir: Dr. Imtiwapang



Dr. Imtiwapang Aier

**Mokokchung, May 05 (TYO):** Brihostibarnü NLA Speaker, Dr ImtiwapangAier-i, Naga nunger adianutemArrla 371 (A) nung dang longjema lir, ta metetdaksü.

Dr. Imtiwapang-i akhümket menden, NLA Speaker ajangzüksetba nüngtem nung pa nem tetushi agütsüba sentong ka Mokokchung district kübok Kobulong jila nung ayongba sentong nung jembidang pai iba o ya metetdaksü.

Paisa, 1950's mapang linük

nüjiso bushidang asen tsüraburtem kanga longjema liasü, aser iba telongjemji ajanga tangari (India) asen lokti tiyongtsü maittet, ta ashi.

Iba dak sendakba nung tesasaba olen ka lemsadang pai, tanübo Naga nunger adianutem rongnung telemsa kanga adokba ajanga tangartemi parnok tebilemba inyakter, ta ashi.

Paisa, "Naga nunger rongnung telongjem maliba ajanga tangari parnok sünütsü asür," ta ashi.

Paisa, tanü India sorkar aser state tsüngda ali aser ali nungi adokba rongsen raktepba onüktem lir ta shia pai, "India sorkari, alijibo nenok meyong saka ali rongsemtemjibo külem meyong ta ashir. Iba nungji tanga onük kecha mali, saka

ibaji asenok totzü aser Natural gas ta shinerba lir," ta shisem

Iba dak sendakba nung pai, Naga nungeri parnok meyong ali dang aginer asü ali rongsentemjia aginer? ta asüngdang.

"Item mangatettep bentettsü atema state sorkar dak dang metalokba agi kecha masütsü, saka iba rara akoktsü atema nüburtemi longjemer shilem agitsü nüngdak," ta paisa shisem.

Iba sentong nung 23 Impur Constituency kübok village councils, adhoc town committees aser party nung inyakertema aden. Ano village councils, adhoc town committees, 23 Impur A/C NPF aser NPF Mokokchung Division shia nungi züngsemtemia jembia liasü.

## Dimapur DPDB senden menogo

**Dimapur, May 05 (TYO):** Ita shia amenba senden May ita atema Dimapur district District Planning & Development Board (DDDP) senden May 05, 2017 nü DC's conference hall, Dimapur nung Revenue Officer, Dimapur, B. Henok Buchem leniba nung menogo.

Iba senden nung board-i Pudumpukhuri, Dimapur nung aliba The Art of Living Nagaland registration agitsü aser osangtem nung ajemdaker 4th mile, Diphupar, Dimapur nung aliba Shemrock Primary School den Lotovi village, Dimapur nung Greenland School, Lotovi lapoktsü atema agizük.

Board-isa Isaac Newton School, Dimapur nung B.Ed. M.Ed atema No Objection Certificate agütsütsü lemtet.

Iba senden nungsa Dimapur District kübok Social Welfare Department-i parnok sentong aser mapatem indang Powerpoint presentation agütsü.

Geology & Mining Department-ia par department-i inyakterba mapatem osang metetdaksü.

Iba senden nung Revenue Officer-i lokti balalai sorkar ali atsünga agiba aser mapa nungi anenba sülen sorkar ki medoktsüba tebilemstü benoka iba atema mera agia inyaktsü nüngdak, ta metetdaksü.

Paisa lokti dang, ali alidang kanga kümdangtsüla, ta ashiba den külemi mapang shidak nung küm shia saru agütsütsü nüngdak, ta metetdaksü.

Mendenubai tepela anküp o jembia iba senden tembanga liasü.



Peren, May 04, 2017: Brihostibarnü Peren nung Chief Judicial Magistrate, Somet C. Chang aser Destruction Committee Chairman, D. Robin SDO na den tanga ketdangsertemi yi den temeseba osettem rongdoktsü lia tangokba noksa nung angur.

## NSCW-i Legal awareness ayonger

**Dimapur, May 05 (TYO):** Maneni Town Hall, Phek Nagaland State Commission for Women aser National Commission for Women (Delhi) nati senteper Human Trafficking indang anogoka, Legal Awareness Programme District aser Sub-Division balala nung ayongzükogo.

Dhansaripar sub-division nung iba sentong ya May 11, 2017 anepdang 10:00 ako nungi Council Hall, Purana Bazaar nung agitsü aser Town Hall, Tseminyu nung May 16, 2017 anüngdang 11:00 ako nung Town Hall nung agitsü.

Ano Wokha nunga May 17, 2017 anepdang 10:00 ako nungi agitsü aser Town Hall, Bhandari nung May 18, 2017 anepdang 10:00 ako nungi agitsü.

nung May 24 anepdang 10:00 nungi, General Administrative Rest House, Pungro nung May 25 anepdang 9:30 ako nungi, Town Hall, Mokokchung nung May 30 anepdang 10:00 ako nungi aser Town Hall, Tuli nung May 31 anepdang 9:00 ako nungi agitsü, ta ketdangser sangdong ka nung metetdaksü.

Iba sentong nung item District aser Sub-Division kübok melungtet teloktem, Tribal Hoho, Women Hoho, DB, GB, kaketshirtem tenet, Arogo lenirtem, police ketdangsertem aser Legal Aid Services ketdangsertem shilem agia adentsü jaoker, ta sangdong nungsa shia lir.

## IRCS-i World Red Cross Day amungtsü

**Kohima, May 05 (TYO):** Nagaland State Branch, Indian Red Cross Society-i May 08, 2017 anüngdang 11:00 ako nung Conference Hall, Red Cross Complex, Kohima nung World Red Cross Day sentong ayonger, aser iba sentong nung tongti tesemdangjerji, Director General of Police, Nagaland, L.L. Doungel, IPS asütsü.

IRCS, Nagaland State Branch Chairperson, Abeni TCK leniba nung iba sentong

agitsü aser sentong nungsa Gen.1 Secy., IRCSN, Dr. Kepelushie Terhijja-ia jembitsü.

Minister's Hill Baptist Higher Secondary School aser Rev. Dr. Neiliezhii Usou Memorial School, Kohima kaketshirtem aser Little Flower Higher Sec. School Kohima kaketshirtemi "To believe" aser "Heal the world" ajanga shilem agitsü.

M.C IRCSN züngsem, Dr. Neiphi Kire-i tepela anküp o jembia iba sentong tembangtsü.



Yaongyimsen Kosasanger putu tatembanglen sama mepo purtemi süngkong chia atsüba May 02, 2017 nü renemteta yuogo. Iba süngkong meshitetba sentong Art & Culture Parliamentary Secretary-i moaja agiogo. (Mokokchung, May 05, 2017).





Guwahati, May 05, 2017: Hokolbarnü Guwahati Railway station nung tetsür ana densema nisung pezü ket nungi sen crore 6 shi jenjang hon seret 20 pua aliba noksa nung angur. Honji Myanmar nungi New Delhi-i bener aotsü sentong liasü ta parnok pezüi nangzükogo.

### Swachh Survekshan tarensen nung NE jenjang majung

**Guwahati, May 05 (Agencies):** 'Swachh Survekshan' 2017 nükjidorong ya India yimitem nung open-defecation-free (ODF) aser jana bendena intoka yimitem temerükba akumsü nükjidorong nung lir, aser total mark 2000 nungi ODF nung mark 900, solid waste management nung mark 600 aser sensotemi telangzüba agütsüba nungi marks 500 nung tendanga linük nung yimti temerüktiba terensen ka yanglua sangdongogo, aser iba nungi NE jenjang mejungi liasü. Kumrap Metri district Deputy Comissioner, M Angamuthu-i, "Guwahati-i tajungba inyaktetsüsa lir, saka tai maka. Lenmang aika nung Guwahati jenjang ajungtsüsa lir. Nüburtem nem shilem agidaktsüba nung asenoki rangoker inyaktüsüla. Item rongnung lokti aliba tesemtem nung metsümeshidak junga anepalutsüla," ta ashi. Iba survey nung linük nung temerüktiba yimti Indore liasü, iba sülen temaba jenjang 10 nung Bhopal, Visakhapatnam, Surat, Mysuru, Tiruchirapally, New Delhi Municipal Council, Navi Mumbai, Vadodara aser Chandigarh yimitem lir. Iba tarensen nung linük nung yimti memerüktibaji Uttar Pradesh kübok Gonda yimti liasü.

### Manipur sorkar indang dept. kar CBI-i bushisüngdangtsü

**Imphal, May 05 (Agencies):** Manipur sorkar indang department kar nung senotsü nung ochimashiba aser sübokrem agiba ajanga CBI nem bushisüngdangdaksütsü asoshi Manipur Chief Minister, Biren Singh-i asadanga mapang ka lir. Manipur Development Society (MDS) CBI ajanga bushisüngdangtsü asoshi state sorkari asüngdanga lir. Okram Ibobi Singh'er sorkari küm 15 Manipur nung yimsüsüba mapang ochimashi mapa inyakba bushisüngdanga aibelenertem merenshitsu asoshi Manipur election atema nübuyimba mapang BJP lenirtemi nangzuka liasü. Taoba Hokolbarnü state cabinet ajanga MDS yanglushiba mapang iba department nung ochimashi inyakyim indang ken o ya CBI nem agütsütsü lemtet. Manipur nung tang BJP-i aniba sorkar tasenba ajanga Chief Minister indang Secretariat nung 'anti-corruption cell' ka amenloka lir. "Ni aniba sorkar nung ochimashi malitsü, ta nüburtem nem osang sangoktsür. Aser tanga department tem nunga ochimashi aliba bushitsu," ta Biren Singh-i par kidang osangbener den jembiba mapang ashi. "Tanga department atema kuli nüngdaker aser iba sülen CBI nem agütsütsü. Aser Congress MLA tem BJP nung arua adener danga taochi mesayutsü," ta paisa shisem. "MDS ajanga state nung terenlok bener arutsü asoshi project balala aiben inyakyim indang tejangja bushitsu meranger. Item kuli bushitsu asoshi Chief Secretary aser Principal Secretary dang shiogo saka osang tejangja monguteti lir," ta Chief Minister-isa shisem. MDS nung ketdangser temelaba magie senotsü tim mesüi amshiba aser unit ka nungi danga unit dangi sen belener aoba puteta lir, aser ibaji ajanga CBI nem agütsütsü lemtet. "MDS nung ochimashirtem bushisüngdanga tapet temerenshi agütsütsü asoshi onoki tetuyuba agütsüogo," ta Biren Singh-isa ashi.



Imphal, May 05, 2017: Hokolbarnü Imphal nung Manipur Chief Minister, Nongthombam Biren Singh (tiyong)-i Tamenglong aser Noney district na nungi Cabinet Minister tem, MLA tem, district ketdangsertem, Heads of departments aser district level ketdangsertem den senden amenba noksa nung angur. Iba senden nung Tamenglong aser Noney district na nung terenlok project balala repringshiba den külemi sorkar department balala nung tashimait onüktem nung o lemtepa liasü.

**OFFICE OF THE  
NAGA PEOPLE'S FRONT, LIRMEN UNIT  
MOKOKCHUNG : NAGALAND**

30th Alongtaki Assembly Constituency Lirmen Village NPF  
Unit dissolved due to non satisfaction of Party Leaders.

S. BENDANG	PRESIDENT	
Y. LEDDEN	G/SECY	
SUPONGMAR	V/P	
IMTIPOKYIM	AGS	
CHUBANGANGSHI	ADVISOR	
N RONGSENKABA	TREASURER	
TONPANGYONGDANG	COMMITTEE	
IMTIAKUM	"	
MACNGTEMJEN	"	
TIAMONGBA	"	
TEMSUKABA	"	
MOATEMJEN	"	
TEMSÜHEREN	"	



Guwahati, May 05, 2017: Hokolbarnü Guwahati nung aliba PFA Hospital & Shelter Centre nung People for Animals (PFA) züngsemtemi van gari ka nungi azü tasümgangtem oshizükba noksa nung angur. Brihostibar aonung PFA züngsemtem aser Samuguri Police senteper Samuguri, Nagoan district nung azü 70 apu. Item azüji Nagaland-i bener aoba mapang nung apu aser azü 70 rongnungi azü 20 bo süadoker liasü.

### BJP aser CPM tsüngda anogo ana raratepdang nisung 30 yiruogo

**Agartala, May 05 (Agencies):** züngsem temi BJP pusemer, Tripura nung BJP aser CPM Champalal Baul dak teka sangshia telok tsüngda anogo ana tashi merenshiba ajanga BJP teloki raraba nung nisung 30 yiruogo. mangyangtsü tenziük. Tesem ajanga nung tanüker CPM züngsemtemi mezüng yokogo aser telok anaprong BJP züngsem ya longbanger nungi lenirtem den senden ka merenshiba mapang Champalal ya menogo, ta police ajanga ashi. mejungi yiru, ta osang ajanga ashi. CPM telok-i BJP pusemer Dharmanagar nung lenmang dak züka merenshi ta osang junga meyanglu, ta aitsüba ajanga angashiba sülen Amtali tesem, BJP pusemertem dak CPM Dhalai district kübok züngsemtemi züka merenshi aser Dharmanagar, Kamalpur aser iba lendong nung nisung asem yiru. Khowai district kübok Teliamura BJP tir, Amit Shah-i state tesemtem nung tensa mejungi semdangtsü aliba mapang par aküm. Kamalpur nung rara adokba mapang nisung pongu yiru aser temelaba magie senotsü tim mesüi amshiba aser unit ka nungi danga unit dangi sen belener aoba puteta lir, aser ibaji ajanga CBI nem agütsütsü lemtet. "MDS nung ochimashirtem bushisüngdanga tapet temerenshi agütsütsü asoshi onoki tetuyuba agütsüogo," ta Biren Singh-isa ashi.

Kamalpur nunga CPM paisa ashi.



# TIR YIMYIM YIMOBILEM (EDITORIAL)

DIMAPUR SATURDAY, MAY 06, 2017

## Nagaland memerük

**N**agaland ya senotsü amshiba nung teka aser mulungsentsü memerük dang masü saka India nung aliba yimtitem rongnung yimti 434 shimteta yimti yimdong aser temeket merüka ayuba maparen asadangba nung Nagaland nung yimti tuluba ana Kohima aser Dimapur na jenjangji zünya 208 aser 277 na nungang liasü. Tetezü, Nagaland yimtiba Kohima ya India nung yimti 434 rongnung yimti 207 dang nungi memerükba aser Dimapur ya yimti 276 dang nungi memerükba ta asadangtetogo. Iba mapa ya India government kübok Quality Council of India ajanga taküm küm tetenzüklen inyakba mapa ka liasü. Iba maparen ajanga asadangtetba agi Northeast nung temerüktiba yimtiji Sikkim yimtiba Gangtok liasü aser Kohima aser Dimapur dang nungibo kanga agia Aizawl aser Imphal temerüktiba liasü. Yimti merükba asadangba nungji nisungtemi metsümeshidak jungjunga yanglur metsümeshir asü mesüra kima yimdong mashi nung metsümeshir aser janaona koma bendena endoker ta asüba nung mark teimba yur repranga liasü. Atangji, Nagaland nung asernok chiajemba, süoshi agiba, gari tajung nung mener senzüba aser English jembiba apibo India nung Kohima aser Dimapur-sa temerüktiba asütsüla. Ajisüaka, tang tashi iba yimti ana nung metsümeshidak junga yanglua makaba kibong aika lir. Ibaji dang masü saka asenoki asen atep alemerbo mashi nung janaona endoker. Ano, kangasa mebiledangi inyakba mapa kaji Kohima aser Dimapur nung gari tajung nung mener senzürtemi gari telong nung chiyongtsü kechisarina achiba teküp aser jana ajak gari toudak nung yimti yimdong tiyong nung mashi-mashi nung endoka jajar. Aji oda, necktie agir mashi nung tzü endoker aser mashi nung jana endoker. Aji oda, asenok ashiba aser metetba ya asen atep tashi nung merüka alitsü metet ashi asen aliba temeket aser yimti merüka ayutsübo asenok kolok aser shisatsü nung kenyonji maliba kuli sayur. Asenok nem asen aliba temeket merüka ayutsü asoshi government-i sen agütsü nunga asenoki iba sen jagi kodanga yimti yimdong merüka ayutsü asoshi meinyaktsü. Iba sen jagi, ashiko gari-ang ka mesüra ali kimongang ka alitsü. Tanü tashibo asenok dak asen lima aser asen yimti topur junga yunüba tangatetba tajung ka mesayur. Tang yabo asen alidak yimti nung metsümeshidak junga yanglua amshitsü aser janaona bendena jungjunga endoktsüba asoshibo tangar nem sayutsüngi mesüdaktsütsüba ser nung asenoki asenoksasa memerük litetba yagi tangar tsüngdang asenok kanga taaktsüka kümogo. Taoba mapang nung iba yimobilem nung züluba ama, Nagaland nungbo town nung alirtem dang nungi yimtak alirtem temerükba lir. Yimtakbo yimtaklirtemi yimdong nung kaket teshisa tilakata meindoker aser anepdang shia pei ki indang kima yimdong merükmerüka aoker aser kilong nung okdenba jana kodanga tangar kima bener oa meindoker. Yimtaklirtemji gari tajung nung senzürtem masü aser necktie mesür english jembia senzürtem masü. Parnoki libaliro tongmelang, chiyongtsü tongmelang aser abensüoshi tongmelang saka merükmerüka alir. Yimtaklir topur ajungji aji lir. Kohima aser Dimapur nung alirtemi yimtaklirtem dang nungi merükmejua alitsü angazüktsüla. Asenok moko sali achirtema moko salia asenokiachir ama taolen ajak nung moko pongsang agi janaa yutsütsü aser sali metsü agi ki ajak menena yutsütsü. Sali achirtem amendak jara aser menden ajak nung shinü nürloka angutsü aser kilong kinük, jara aser metsümeshidak ajak nung sali metsü metsüshiba agi tetsüng ajemdakdaka maka angutsü. Item awashi memetetba jakla yimya nungi asenok nüchi akümtsüla aser tangar süngyanglu külemertem aliba yimtitem aser kiyongtem dang nungibo asenok Khristan-tem aliba yimti aser kiyongsa temerükba aser tesüngjemba asütsüla. Atangji, merükmejua alitsübo temenu masü, anungji tang nungi danga linük nung rongsen nung madoksaaka kima yimdong merükba maparen nungbo tangar ajak dang nungi asenoksa temerüktiba asütsüsa asenoki inyakdi. Nagaland melenshitsü nungdakba mapaji ya ka asütsü.

## OLEMSABANG

TANÜ ASEN LIMA YIMTEN YIMLI YANGLUSHIBA  
MAPA NUNG OCHI TANGATET LANUR TASHIR  
TAWA NÜNGDAKER:

~ Mr. I. Rongsen Jamir, Ex-Pastor, Dhansiripar

Tesüiba putu nunga yimten yimli yimsüsüba otsüji züngdangra linük aisünung tangatet lanur lenirtemi anir nübor ajaki yimten teraksa yanglushitsü apusoba angur. Tesüiba pututem kaketji züngdangra China nungteraksa anema apuso aser alimai parnok soita meyetet aser asen India lima nunga nüchiso atema Mahatma Gandhi nungteri anir tashiyim medeni temesüng nungterden raraa apusoba angur. Ano Romania yimli otsü kaketem nunga lanur tashitemeteteremi anir nisung ka ajanga tashi amshiba aser alima ajak pai dang atsüshiba mapa anema apuso. Item nüpur ajunga arakzua apusoba nungji Romania chuba aser tebuttsü samaba jangjaa angur. Kechiaser parnoki nüchiso ochi yimtenji agiena adoktsü merang. Iba ama linük nung temelenshi tulu adoktsüsa apusobaji bilemdangang, iba den arogoi shilem tulu agiba angur. Arogo ka nung Reverend kati temeshi sapang ka nungi sarasadema yamai ayimoktsü, yimten yimli aser arogo nung tamanger ajaki Tsüngrem nungi tashi meshir teraksa yimli ka yanglushitsü ochi nung rarangni ta ayimoktsüba otsü nungji angur. Tayongzükba tulu tanü asen lima yimten, lokti teraksa aliba ama yanglushitsü ajemajema melii nübor ajak apuso. Tanü iba lima nungji Tsüngremi mapa tulu inyakba angur. Item tsüngsen ajak nung lanur tashitemeteteri anir mapa takok tulu ngua apusoba angur.

Küm ishika ogo Iran nünger otsüji reprangdangra par tetsü tebou yimsü nungi yimsüsüa aruba chuba SHAH anema lanurtemi apuso aser iba yimsüsüba tamajungji atsüngdok. Alimai sota meyetet yamaji tanü asen lima temelenshiba ka agidi süra lanuri yimten aser nübor meimba (Nangpong Lanur) tashirtemi anir apusotsüla.

1. Yangi yimten shisa rajemer (Political scientist) kati yamai ashiba angur. Kodang linük nung rongsen kütdangtsüba ochi mashi amshir, tetezü kar aika, kar ishika ta lemsaa amshidir, iba linük nungji temelenshi adoktsü ana nung lir ta sayur.
2. Koba linük nung rongsen tashi kar ket nungdang lidir, iba linük nungji temelenshi adoktsü ana nung lir ta sayur.
3. Tenteta akaba yimten kodang tashi meiti ozüng timi meyeteti kümdir yimten yimsüsüba petsaprong lidir, iba linük nungji temulung melemtep adoker. Iba linük nungji temelenshi adoktsü ana nung lir ta sayur.
4. Tang aliba yimten inyakyim dang nungi danga tajungba inyakyim aser yimtenren lir ta angatetba aser süia aruba kechisa tamakok teraksa lir, item ajak melentettsüsa teraksaji takoktsü ta angateta kümra temelenshitsü ana nung lir ta sayur.

Alima nung temelenshi bener aruba telokji teküpbok tajemrep tia nung alir tem nungi masü saka tanü tangteter temeteteterem shisatsü nung takotet, nübor aser alima asadanga meimba ajanga temelenshi bener arutsü, anungji tanü asen lima melenshitsü atema jenjang ka atakteta lanurtem (Zünyangshiang - Rejuvenation) agia tokang.

Tanü asen lima aginüba temelenshi yimtenji tashiyim tetsükchitep, azü tokshiba agi masü saka yimjung tangatettep agi temelenshiji bener arutsüla.

### **Sürapang tanü lanur tangateteremi koma inyaktsüla?**

Mezüngbuba pei taküm melenshitsüla. Temelenshi takümi temelenshi bener arutettsü, na memelenshira nai tangar memelenshitettsü. Tashitemetet taküm kati teküpbok jenjang nung alir shisa tajung agi yaritettsü. Angji asen sasa melenshidi aser asen lima melenshitsü apusodi. Joko mapang tongja tongogo tsükchir tapu tapu tenokdangba alitsü akok saka tasü itang, tsüba telima. Lai o nung alima tamang tia nung alidang, Yisu asen limai temelenshi bener arutsü. Pa sülen anidaka amangertem iba tsüngsü nung arogo meteni yimten nung takok mengui mali. Anungji arogoi ajemajema amalitsüla. Rom yimli nung chuba Neroi Khristanemji yiar ta aja saka item Khristan yiartemi alima akokba otsü lir. Tanü tashirtem kaket nung yamai shia angutsü, Khristanem to yiar masü saka nüchi telok ta shia angutsü, saka Rom chuba Nero to yiar ta zülutsü, anungji adianutem ibai apusoa teraksa yanglutsü mapang tajung. Saka shirnoki pa temeim yimlibilem nung yimlar parnok madak Kibuba tenük teti lir tasüba nungi pai parnok kümzüktsü. (T.Ken 33:17-19)

**Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agitsü mepishir**



## MAPANG TAJUNG ALANGZÜKANG

- L.Kika Pongener, Aoyimkum, Dimapur

Efesa-5:16. "Mapang tajung ajak alangzükang, kechiyong anogotem tamajung lir". Paul-i Efesa nung aliba amangbapurtem dang putu tamajung aser anogo mapang tamajung nung alir'ar, mesüra anogo tamajungtem arudar mapang tajung mesüitemdaksüi alangzüka yuang ta ashi. Asenoki Paul-i Efesa nung dang mapang tajung alangzüksü indang ashibaji iba nungji dang anena toktsür, tanü tensa asen sasep nung khen shisadangdi. Iba mapang tajung alangzüksüba ya asenoki lenmang tapu anasü nung angatetsü akok. Mezüngbuba nung asenok alima nung alidang kibong taküm ketdangsüba ya ajak dang nungi tongtipangba ka lir, kechiaser kibong ka jungra lokti ajak ajungtsü aser lokti jungra alima ajunga ajungtsü. Aser iba kibong ketdangsüba nungji ano tsürabur ka tim teinyaktsü khuretji kanga tongtipangba lir.

Anungji tsürabur ka tim teinyaktsü khuret nungji chirnur mapang tetemsü nung shidak azüoka tim lenmang nung aniteta sayutetsüba aji kanga tongtipang. Aser chirnur azüoktsüba ya mapang mashi ka nung azüok nung majungtsü aser makoktsü, saka tetemjen mapang ka lir, aser aji mesüitemdang iba mapangji alangzüka tazüoktsü tim mazüoktetra ashiko süitemerbo makoktsü, anungji asenoki iba mapang tajungji alangzüksüla. A.Shin-22:6. "Tanur ka pa aotsüba lenmang nungji sayutetang; aser pai tain akümdang iba nungjagi mepilatsü". Apijemtsü Shin o zülur-i tanur ka tain kümer külen sayuang ta shia mali, mesüra mashi mapang ka nung nai mapang agütsütet dang azüoka sayuang ta shia mali. Tanur asüdang mapang shidak nung sayutsü ashir. A.Shin-23:13. "Lanuwa nungi temetongshibaji sota teyu; kechiyong nai pa dak artsüng agi azükyongbo pa masütsü". Lanuwa ano nübo majungdang tesayutsü tazüoktsü mapang shidak nung azüokang ta Apijemtsü Shin o zülur jagi ashir. Merang mimong nung tsüker merema alidang aseni kechi koma yanglunür yamaji akoshia yanglutsü akoker.

Tanü asen Naga nung kibongtem aika jala jabasotem mini-kanja nem dang shiloka yutsür rongsen rongsen nung dang tenük yoker mapang tajung ajak süidaksüba, ano aikati tuition master nem dang shiloka toktsür sadok sadoka nemzüba tsüraburtem aika dang lir. Chirnur kong kechi nung ali'ar memeteti toktsür lokti lokti tenzükba mapa nung apuani külemi repa-repa senzür, jala-jabasotem mini-kanja nem toktsür, anepdang anepongi ayazüker sarasadema aser sayutsüngi-a senzür aonung ayaterm nungang ki bushir, idangji chinurtemjibo kimalen tangar temulong yirutsüsa minyaksüyim mapa jenti inyaka jajar. Yamaji mapang shidak nung mazüoki intetdaksür. Alima ajak ajangzüker pei taküm samara kechi ajangzüksü ta ashiba amato, tangarbo aika ajangzüker pei kibong nung chirnurtembo raksadaktsüra mesüra samara kechi tajangzük. Hau sarasadema aser sayutsüngia senzübaji mapa tajung lir, saka mapangji metettsüla, aji oda mesüra chirnurtem tamajung tia-i aitsü.

Tsürabur aikati chirnur atema senmang ki tulu tajung, senti rongsen jenti rizünga toktsür, ajisüaka parnok mapang tetemsü nung tim tazüoktsü mazüokteteti intetdaksüra senti rongsen senmang ajakji anak auyi akümtsü. Ajisüaka tsürabur kati senti rongsen aser ki tajung yanglua metoktsüaka mapang tetemsü nung timyimi azüoka sayuteter nisung tajung kümdaksüra aser kaket shisatsü tajung ngudaksür parnok talitsü timyim nung aniteta, ajak dak alaka senmang tajungtibaji aji asütsü. Aser iba senmangjibo kodanga shingai rakzüka bener mootettsü.

Tsürabur aika sadok sadoka lia chirnur mapang shidak nung mazüoki intetdaksür asa-taoi amsa-a amdakja aiatai tia nung aliba kibongtem aika dang lir. Mapang tajung nung tim tazüoktsü mazüoki süidaksü, aser joko mozü-lar kumer, yi-lar kümer, ashi-aer kümer azüoktsu meranger, saka mapang tajung süiadoker koda tesasatsü.

(Maneni taruba adok nung...)

## Egypt nung ISIS tanishiri kümdangtsü tuyur

**Cairo, May 5 (Agencies):** Khristantem anema mapa sabang nung adoker aser iba Egypt nung Islamic State militant inyaktsü ta kuli sayur. osangkaket adok nung, "Onoki group (ISIS) tanishir kati Muslim ISIS-i hopta shi adokba Al nung dang Khristantem den Naba osangkaket nung tenüng nung dang Khristantem den Naba osangkaket nung tenüng magütsüba tanishiri iba osang sentepdaki maotsü atema magütsüba tanishiri iba osang tetetdaksü aser paisa tetuyuba agütsüogo. aser paisa ta ISIS tanishir jagi shia lir.

Taoba ita Egypt nung ISIS-i Muslimtem dang army aser Taküm Palm Sunday nü bomb amshia Khristantem police alidak nungi pila alitsü Egypt nung ISIS kiralongrartemi amakdang nisung aika asü aser shisem. jila ana nung tenlakitem amak aser tang ISIS tanishir kati tetuyuba Al Naba osangkaket ya iba lendong nung nisung 45 agütsü ajanga parnoki maneni Telegram ta ajaba messaging tepset.

## Australia-i Muslim refugee dang nungibo Khristantem tesapuba

**Sydney, May 5 (Agencies):** Australia sorkari Khristantem Today-isa metetdaksü. Australia-i Muslim refugee tem dak temulung tali agüja mapa President Donald Trump-i dang nungi Khristan refugee tem inyaker ta odia shiogo aser anir U.S. aser U.K nung yimten dak temulung tagütsüba, ta parnoki ashiba agi, lennirtemi iba tangatetba pusema Australia nung Freedom of reshikangshiba tiaji Khristantem nungiter saka tangartemibo information law ajanga teimba ajurur. Khristantemi reshikangshi talila metetdaksü. "Syria aser Iraq nungi ajurur ta asübaji magizüker.

July 1, 2015 nungi January Human Rights Watch nungi 6, 2017 tsüngda Australia-i yimsü dak rangloker mapa Elaine Pearson-i ashiba agi, "Syria refugee 18,563 shi aniokogo aser inyaker ta Australia sorkari aser Iraq nung tangar dang nungi parnok rongnung Khristantem shiogo. Kechiyong, linük ana Khristantem tali reshikangshir ta noklang nung shilem 78 shi lir, nungji Islamic State aser tanga asübaji tai, ISIS aser Assa'er ta Christian Today ajanga teloktemi Khristantem talila sorkari Muslim nungertema metetdaksü. reshikangshir" ta Christian kanga reshikangshir."

## ANOGO ABEN TSÜNGREM DEN

### TSÜNGREM TAOCHI AGI KÜMZÜK

"Kechiyong taochi agi tamang ajanga nenok küzmüker: Aser aji pei sasa agi masü, saka aji Tsüngrem sempet.. " Efesa 2:8

Tsüngrem taochi tashi ya asenok asoshi jenjang ulura lir, Alima aser meimchir ajak takok, temoatsü aser Pa tangatetba, Pa temeim nung yanglu, saka asenoki Tsüngrem den toktep nung asenok temenen lar aküm. Alima yimya nunga kodang asenoki oset ka yanglutet-tir, iba osetjibo raksayonga asenoki odang meimer, iba amaji, Tsüngrem temeim ya asenok asoshi ulura aser asenoki Pa temeimji kodanga masadangtetsü.

"Kechiaser pa teyangluba mapaji asenok, aser koba mapa tajung nung asenoki jajatsü Tsüngremi alemli renem, iba mapa tajung asoshi Khrista Yisu nung asenok yangluogo"

Efesa 2: 1 0.... Temeneni alenbanger aliba, Tsüngremi asenok nisungtem Pa taochi tashi agi asenok alangzük. Atangji Pa taochi tashi nung; Pa temeim tashi lir, Pai asenok temenen lar nungi küzmük, tatok sayu, tanaben tasen jenjang agutsü aser asen taküm ka ya süaka, teti tatem maka temoatsü lenmang lapoktsü, koba asen tanela küzmüksü taochi sayu.

SARASADEM:

Kibuba taochi tashi asoshi pelar. Amen

## WAMEKEN BAPTIST CHURCH QUASQUI CENTENARY PLANNING COMMITTEE

### SANGDONGER

W.B.C.Q.C.P.C metetpela nung aliba ama 2017 küm ya "NISUNGSHIA DANGI TEKEMTET OSANG" iba nükjidong nung ajemdaker 29th-30th May 2017 tashi Senso Revival akatsü asoshi sangdonga atar.

Tongti o jembir Rev. T. Meren Jamir, Soul Saving Mission, Eden Garden Wameken Valley nung alitsü.

Anungji prokshia aliba senso aser anükapang ajak iba sentong nung arua temoatsü agitsü sarasadema atatu sangdonger.

Sd/-  
Chairman  
WBC Q.QC.PC

## Reshikangshi ajuruba Khristantem yaritsü atema senden ka amentsü

**Washington, May 5 (Agencies):** Alima tesem balala nung Khristantem reshikangshi timtem ajururtem yaritsü atema Khristan lennir telok kati onüktem benoka sentong atongtsü.

Khristan lennirtemji May 10-11, 2017 anogotem Washington D.C. nung ajuruteptsü aser iba dang 'World Summit in Defense of Persecuted Christians' ta ajar.

'World Summit in Defense of Persecuted Christians' nung adentsü atema linük 130 nungi Khristan lennir 600 den tema jaokogo.

Iba sentong ya Billy Graham Evangelistic Association ajanga teyari agütsür aser parnoki tongti onük pezü atema jembitsü, ta Charisma News ajanga metetdaksü.

Onük pezü rongnung kaji, Khristantem bendanga amshiba, tim mesüi inyakba aser reshikangshiba anema public policy ka yanglutsü aser tanabubaji Khristantem reshikangshiba linüktem dang tanga linüktem nung yimsüsürtemi tebang ia olemteptsü atema lir.

Tesem balala nung reshikangshiba anema America-i mapa tuluba inyaktsü atema President Trump aser US sorkar nung ketdangsertem ajungshitsü atema Khristantem anidentsü aser Laishiba



tesayuba nung aliba ama takoksa aser timtem ajururtem yaritsü atema lir.

Tesüiba küm ka tsüngda alima nung Khristantem reshikangshiba kanga bulua kümogo. Linük balala nung tamangba yimsü anema ozüngtem takang yanglubaji noklang nung shilem 40 shi ajungket, ta Pew Research Center-i bushitetba osang metetdaksüogo.

Rev. Franklin Graham-i 'World Summit in Defense of Persecuted Christians' sentong ayonger aser pai Khristantem dang ketdangsertem dang tamangba yimsü nüjiso küzmüka ayutsü atema ajungmesotsü ayongzük.

"Yimten lennirtemi tatalokba osangtem züngzünga metetdaksünür. Alima nung reshikangshi timtem ajuruba Khristantem indang osangji jangjajangja yimjak nung metetdaksünür" ta Rev. Franklin-isa metetdaksüogo.

**OLONG PAITEP # 4413**

	1	2							3	
4										
5								6		
7								8		
9	10				11			12		13
14				15						
	16									

<b>TIPILEN</b>		<b>LANGTSÜNGLEN</b>	
1. Ajem-ajemer	- 9	2. An-i akor	- 5
5. Kanga tapet	- 7	3. Tashi aketba chiyungtsü	- 5
6. Ozü ka tenüing	- 3	4. Kecha menungnangi	- 4
7. Tzünglu nungi kümzüker	- 6	10. Küm asem tarensen	- 5
8. Anüing nungi tsüker	- 3	12. Nisung yimyatsüya	- 5
9. Anüing shiruru	- 3	13. Mali / mait	- 4
11. Lenmang ajurutepdak	- 6		
14. Anüing dang tesangwa	- 3		
15. Tekong merang	- 7		
16. Teyazü jembia tangar ashiochtsür	- 9		

**OLONG PAITEP # 4412 TELANGZÜBA**

<b>TIPILEN :</b>	<b>LANGTSÜNGLEN :</b>
1. Talang, 4. Ako, 6. Nükjidong,	1. Tensa, 2. Lokti, 3. Nai, 4. Ango,
7. Indang, 10. Anüshi,	5. Osang, 8. Azü, 9. Amato, 11. Inlet,
14. Ashikülak, 16. Oya, 17. timtem	12. Taküm, 13. Rasa, 15. kwi.



**ALOKBA KINUNGTSÜ-I SENJI KECHI KOMA'AR TENÜK AGI MENGUDANG.**

**Warakla** : Hai Narola tebu... ni ne longpant shidoktsürba sernung ne pocket nung kaket paikati aleper semoka liasü aja... reprangango ya kechi kaket paikati...!!!!???

**Alokba** : Tuuuffaaiiii.... na tekolok meshidak akümer masü sudi-do...??? Nai ano tang tashi sen note memetet ??? aji sen merijang ana note, noklang pongu note, noklang note aser sen tenem note ado... yiar...tamaji... takidak maka tetsür...

**Warakla** : Waaammaaaa...!!! iba ya kaket masü sen note asüa na...!!! Ni küla ya kechi kaket paikati ta-ser tera agidang mimong nung inoker merongdok-a aji... ayyeeeee...ajisuaka oda ashir tang ashi, ana kibong kümer ano tanu tashi nai kü nem senpak ka danga mamoktsüdangji, ni senji kodaser metettsü... chi sorotsü atema jang-a nai tik-tak atakzüka yutsür... aonbo nung metsü mersu inoktsüa tik-tak atakzüka yutsür...shinu-mamatsü-a nai atakzüka yutsürji ni kecha tebilemstü maka ... oda jangbong nunga dala tuluka agi shibanga ayurji, ashi-aer tsübuttsü kecha nungdak mali... ayyyaaaa oda Tsüngremi-a kü nem kinungbur tajung ka moatsüogo nii ta pelar adii.....

**Kidanger** : Hai temba Alok...asen kinungtsüri sen o kaket na aiteptsüsa asenok tebur malitsüla ako...oda ashir tang ashi jangotsü, metsü-mertsü, shinu-mamatsü itemla tashi nungjibo par-a kibur sudakjangma..... aser sen yanglur yagi sen ya tetsür o tebur ajaki amshitetsüsa yanglu ako.... anungji asen kinungtsür nem-a sen terarabosa agütsütsüla aser bazaar-ia khen kenbo yoktsüla adii....

**L.Kika Pongener, Aoyimküm, Dimapur.**

**TANÜBO NAI LANGZÜANG**

Q. Linük Naklu ken koba nung ojang mali saka kongki ola dang lir ?

- 1) India
- 2) Bahrain
- 3) Germany
- 4) Spain

(Taruba adok nung onoki langzüsü)

**YASHIADOK TELANGZÜBA : Madhya Pradesh**

**Happy Birthday**

**TENÜNG : REPAKUMZUK JAMIR**

Tasoba anogo : 6 May Küm: 1  
 Talidak : Sangtemla ward Mokokchung  
 Temeim jabaso kümzüka küm ka tashi Tsüngremi anema yutsüba asoshi Pa tenüing asanger. Maneni jabaso arishi talang moajang ta onoki sarasademer.



- Temeim Oja, Oba, Odi, Oya



**TENÜNG : NUKSUNGLONG JAMIR**

Tasoba anogo : 6 May  
 Küm : 2  
 Talidak : Longchara ward, Changtongya town.  
 Tsüngremi jabaso Küm 2 tashi anir aru nung Tsüngrem nem tenüingsang agütsür. Tsüngremi ano maneni arishi talang moajangma.

- Temeim Kinungertem.

**NAIA YA METETER MA**

**ALIMA NUNG HON TIMTIBA ALIBA LINÜK 20**

World Gold Council-i hon timtiba aliba linük tan tesüsa (April 2017 nung) adokba tarensen yamai

Rank	Country/Organization	Gold holdings(in tonnes)	Gold's share of forex reserves
1	United States	8,133.5	75.4%
2	Germany	3,377.9	69.6%
3	International Monetary Fund	2,814.0	N/A
4	Italy	2,451.8	68.5%
5	France	2,435.8	64.0%
6	China	1,842.6	2.4%
7	Russia	1,655.4	16.8%
8	Switzerland	1,040.0	6.0%
9	Japan	765.2	2.5%
10	Netherlands	612.5	64.9%
11	India	557.8	6.1%
12	Logo European Central Bank.svg European Central Bank	504.8	27.2%
13	Taiwan	423.6	3.8%
14	Turkey[14]	413.0	15.5%
15	Portugal	382.5	58.1%
16	Saudi Arabia	322.9	2.4%
17	United Kingdom	310.3	8.9%
18	Lebanon	286.8	21.0%
19	Spain	281.6	17.6%
20	Austria	280.0	46.5%

**SUDOKU # 3526**

**TELANGZÜBA # 3525**

3		7		1	2	5	6	1	6	2	3	8	4	9	8	7
	6			5			8	8	4	3	2	9	7	5	1	6
	1		3	6	7		4	5	7	9	1	8	6	3	4	2
7	5	4				3		6	3	5	9	4	8	7	2	1
			1		6			7	9	1	6	2	3	8	5	4
		2	7	9	1			4	2	8	5	7	1	6	9	3
9	2			5			7	9	1	7	4	3	5	2	6	8
	7			2		6		3	5	4	8	6	2	1	7	9
8	4							2	8	6	7	1	9	4	3	5

**OJANG LUTEP # 4018**

AADINU :

ERAS :

NUAIA :

BOKAR :

NEAIR :

END :

AIAM :

GAKAN :

MTEEPUP :

LIAR :

**OJANG LUTEP TELANGZÜBA # 4017**

TANGATETBAI MANGATETSANG ANGATETDAKTSÜTSÜ MERANGTSÜLA METETSANGI MEMETETSANG METETDAKTSÜTSÜLA YAMAJI INYAKTETBO JUNGLA



Anü ita petinu ajanga alima nung tsüngsang mopung melenshidaktsüba ama nisunger tia-a melenshidaktsür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdangang (Horoscope):

- Aries** 21/3-19/4  
Tanü nü molung nung bilemba rizünga meyui jembi tajungba asütsü. Iba ajanga na tarutsü atema tajangzük tulu angutsü.
- Taurus** 20/4-20/5  
Na tangari temolung lemtetba nisung lir. Nü dak aliba sempet tajung amshia, nü jakdang aliba mapa ajak koktettsü merangang.
- Gemini** 21/5-20/6  
Tangar indang khuret aser tajangzük asoshi nü indang shisatsü agi yaritsü merangang. Nai tangar den jembitsü jangrabaji tajung asoshi dang lir.
- Cancer** 21/6-22/7  
Nai nür kinunger aser medemertem den mapang intoktsü merangang. Tanü nai nisung kar den jungjunga metetteptsü akok.
- Leo** 23/7-22/8  
Nai tangar den jembishinü tajung akatsü jangratsü. Aser nai iba sempet junga amshira, tangari nü dang kanga pelatsü.
- Virgo** 23/8-22/9  
Tanü nai mapa tila-teri ajak kanga junga inyaktsü jangratsü akok. Saka tanübo nai mera tasen ka agitsü merangang.
- Libra** 23/9-22/10  
Tanü nai mapa tasak majurutsü. Nisung kar-i na yaritsü asoshi molungsoa arutsü. Mapa tasen kar inyaktsü merangang.
- Scorpio** 23/10-21/11  
Tanü nai adianu aser nü anasatiba tembar den khuret lemsa nung kanga ajungtsü. Arendaka teli aser parnoki na yaritsü molungsoa alistü.
- Sagittarius** 22/11-21/12  
Nai mapa balala nung kanga karaa inyaktsü akoker. Nai anendaka yua aliba mapa kar tanü inyaktsü merangang.
- Capricorn** 22/12-19/1  
Nü indang shishilembaba aser lokti mapa atema nai kanga bilemer. Anungji tanü nü dang temaba nisungtem den shisa lemsatep nung ajungtsü.
- Aquarius** 20/1-18/2  
Nisung kar nü shisatsü nungdaka arutsü akok. Nai akokba nung tajungtiba agi parnok yaritsü merangang.
- Pisces** 19/2-20/3  
Tanü nai ajem-ajema melinütsü. Na kanga mela-mela jashitsü akok, saka nai tangar den sensaksem akaba ajanga na tajangzük angutsü.

### Salman indang bodyguard Bieber security atema shimogo




Grammy Award angusang, kentener Justin Bieber abelen noksa nung, aser Salman Khan (tiyong) aser Gurmeet Singh Jolly (Shera) na achiji noksa nung angur. 'Jio, Justin Bieber, Purpose World Tour' sentong nung Salman Khan indang bodygaurd Shera nem security acha ayangdaktsütsü aniokogo.

**Mumbai, May 05** Osang ajanga ashiba agi, international actor tem Will (Agencies) : Superstar tan ita tatemlen Justin Bieber Smith, Jackie Chan aser Keanu Salman Khan indang India nung arua sentong agiba Reaves nunger atema security bodyguard, Shera-a 'Jio, Justin mapang security rangben ketdangsüja liasü. Bieber, Purpose World Tour' Shera-i acha ayangtsü. White Fox India-i May 10, security ketdangsütsü asoshi Salman-i Shera dang pai 2017 nung ayonga aliba aniokogo. mapata tajung inyakba temaitsü sentong asoshi Grammy Award angusang, kentener Gurmeet Singh Jolly, shiba sayua 2011 kum 'Bodyguard' Bieber May 08, 2017 nü India dang Shera ta ajar, pa ya film nung Shera'er 'Tiger arua atongdang, pa agizüker kanga dang temulung lemtet Security' indang badge aser rongnung Salman Khan-a teyariteper ka ta züngshir. Tesüiba mapanga Shera-i adentsü akok.

### Demi Lovato-i documentary ka nung tongti shilem agitsü

**Los Angeles, May 5** (Agencies) : Kentener aser actress Demi Lovato-i YouTube documentary "I Am: Demi Lovato" nung shilem agitsü asoshi ajak renemogo. "Confident" ken atenla, Lovato-i la kensep tasenba aser la kum tepiyong kentena jajatsü sentongtem la sapurtem den terara lemsateptagi, ta osangbenertemi ashi. "Taküm kum tenzüker tang tashi ya ni asoshi kanga temelenshi adokba kum ka lir aser ni sapurtem nema kü ken aser ni ajangshibatem metetdaktsüner," ta lai ashi. Arishi kum 24 tain, Lovato-i, "Ni sapurtemi agitsü maongka anguba atema reprangtettsüsa ni iba kanga pelar," ta ashi.



"I Am: Demi Lovato" documentary nung shilem agitsü maongka anguba atema documentary ya YouTube nung kanga pelar," ta ashi. May ita tatemlen sayatsü.



Hyderabad, May 5, 2017 : Hokolbarnü St. Jude India Child Care Centre, Hyderabad nung Sunrisers Hyderabad team züngsemtem Yuvraj Singh, Ashish Nehra, Tom Moody aser V V S Laxman nungeri Cancer tashidak agi kongshir aliba tanurtem den mapang intokba noksa nung angur.

**TAN HOPTA ATEMA - KOMA SÜLA ?**

Q. Govt office ajak nung anogo shia biometric system amshia tenüng aja nunga koma süla ?

-----

Olong 20 shi nung May 05, 2017 tashi nung iba telangzüba ya onok dangi  
e-mail - tiryimyim@gmail.com mesüra SMS - 9856121232 / 9436072422 mesüra Tir Yimyim Facebook account ajanga yokang. Telangzubatemi taruba Hokolbar nü adoktsütsü.

## OKWU-i India nung smartphone ka sayaogo



New Delhi, May 05, 2017 : Hokolbarnü Bollywood actor Sagarika Ghatge, CEO aser MD, Anshuman Atul aser COO, Arjun Gupta nunger den tangartem Smart+er Phone sayar osangbenertem den senden akaba noksa nung angur.

**New Delhi, May 5 (Agencies) :** Linük nung mobile technology company, OKWU-i Hokolbarnü parnoki tan tesüsa yangluba, Omicron smartphone ka India nung sen 10,499 agi sayaogo aser iba phone nung fingerprint sensor keta lir.

5.5-inch full-HD IPS display

keta aliba smartphone ya 1.5GHz quad-core processor agi mapa inyaker aser phone nung 3GB RAM lir. Omicron smartphone nung memory 32GB lir aser ibaji 64GB tashi ulushia amshitetsü.

"OKWU Omicron ajanga onoki inyakyim tali renloksü aser northeast India tesem

nunga maongka bushitsü," ta OKWU nung CEO aser Managing Director, Anshuman Atul-i ashi.

Iba smartphone tesülen aliba 13MP camera nung auto-focus keta lir, tejaklen 5MP camera lir aser iba phone nung Android Marshmallow 6.0.1 operating system inokja lir.

## Billboard Music Awards nung Cher nem Icon Award agüsütsü

**May 05, 2017 :** 2017 Billboard Awards nung Cher nem Icon Award agüsütsü aser iba sentong nung lai 'Believe' ken atentsü aser ibai la asoshi küm 15 sülen sempet agüsüba sentong nung shilem agir asütsü.

Arishi küm 70 tain, Cher nem iba tetushi sempet ya Las Vegas nung May 21 anogo nung agüsütsü.

Icon Award ya agizükba ajanga Cher-i Billboard Music Award nung sempet asem angur asütsü. Lai 'Believe' ken atenba ajanga 1999 küm 'Single of the Year' sempet angu aser 2002 küm 'Dance/Club Play Artist' sempet agizüka lir.

1999 küm la ya 'Top Female Artist' aser 'Female Hot 100

Artist of the Year' sempet asoshi nominate süa liasü.

"2017 Billboard Music Awards nung ICON Award ni agizütsü maongka agüsüba ya konang tulu amai bilemer aser iba ajanga ni sapurtem den külemi ken meimba tepela lemsateptsü," ta 'If I Could Turn Back Time' ken atenlai sangdong ka nung ashi.

"Kentener tajung aika, talisa tetsürtem jenti adoka otsü balala yangluba ngua ni kanga pelar. Tamalen ICON Award ngua alirtem den ni züngsemsü asoshi nema tanga bilemer aser iba takok anguba tepela lemsatepa 'Believe' ken atentsü," ta lai shisem.

Iba sempet agizükba sülen, Cher- shiba taoba kinüingbo

Sonny Bono tena jabaso arishi küm 48 tain, Chaz Bono aser Gregg Allman tena chir arishi küm 40 tain Elijah Allman lir, la tamalen iba sempet ngua alir Celine Dion, Prince, Jennifer Lopez, Stevie Wonder aser Neil Diamond nunger den kasa akümtsü.

Cher-i iba sempet agizütsü tetemsü, ta iba sempet agüsür, Dick Clark Production ajanga iba sempet indang osang Brihostibar aonung sangdong dang ashi.

"Cher indang sempet ajanga nüburttem aser kentenertem nem küm 60 dak tali ajungshia aruogo. Aser la sempet ajanga industry nung temelenshi tulu arudaktsüogo," ta CEO, Allen Shapiro-ia ashi.

## Ita 9 nung mobile tower lakh 2 dak tali amenogo

**New Delhi, May 5 (Agencies) :** Sorkari ita 9 tsüingda nung mobile tower lakh 2 dak tali amenogo, ta New Delhi nung Communications Minister Manoj Sinha-i ashi.

Kilonseri, mobile tower tem nungi radiation adokba ajanga temang nung timtem adokba

sorkari tawa kanga süoki ia reprangdar, ta lepshia ashi.

Item o ya pa Brihostibarnü Zee channel nung CEO, Jagdish Chandra den jembiba mapang ashi.

Sinha-i mobile tower tem nungi electromagnetic adokba osang agüsüba inyakyim

'Tarang Sanchar portal' aser parnoki iba inyakyim nung shia aliba ama benshi mebenshir ibaji shinürba liasü.

Iba inyakyim ajanga nisung mashi kati online ajanga sen 4,000 agüsür electro-magnetic field emission osang agiteptsü asoshi temelaba agüsütsü.



Los Angeles, May 5, 2017 : Brihostibarnü actor Kurt Russell (tiyong) aser actress Goldie Hawn (abelen nungi tanabula) nati Hollywood Walk of Fame, Los Angeles, California U.S nung tenati anguba petinu lapokba sülen speaker tem, Kate Hudson (abelen), Quentin Tarantino aser Reese Witherspoon nunger den tangokba noksa ka angur.

## Amazon-i 'Great India Sale' May 11 nungi tenzüktsü



**May 05, 2017 :** Amazon India-i tang India e-commerce market nung temaba jenjang nung aliba Flipkart atsüzüker parnok temaba jenjangi atutsü nükjidong nung anogo pezünü munga 'Great Indian Sale' sentong May 11, 2017 nü nungi tenzüktsü.

US online retailer, Amazon-i yaküm October ita Diwali mapang sale alidang Flipkart madak tera agidang tamakok angu aser iba mapa nungi tang tashi gross merchandise value (GMV) tsütsü noklang nung shilem 25 agi Flipkart temaba jenjang nung lir.

Tan sale mapang nüburttem dang nungtugu osettem sen jenjang ajaki atutsüsa agi ayoktsü, kara parnok ket tongtsütsü aser oset million 100 dak temaji onok dangi meyipa yoktsü (return) atemaa mela melar asütsü, ta parnoki ashi.

Flipkart-i parnok arishir Amazon tang jilia parnok sale inyakyim, 'Summer Shopping Days Sale' May 2, 2017 nü nungi tenzükogo. Parnoki iba sentong ya tanga company temi customer atsür mao tsüingda parnok mezüing tajungba ajanzüktsü asoshi ayongba lir.

Aji oda süaka tan yabo Amazon ket nung tongtibang customer tem jenti lir aser ita ishika tejakdang nungi India nung

shishilembaba tsütsü kanga temulung agüja inyaker.

Oset tulu aser furniture tem ayokba nung mapa zübatsü asoshi linük tesem balala nung fulfilment center tenet tashi lapoktsü, ta taoba ita Amazon-i metetdakja liasü, ajisüaka item center temji tan sale menepa melapoktettsü.

Amazon-i customer tem atsütsü asoshi oset ajak nung sen jenjang ajemer ayokba dang masü saka Citibank amshia website ajanga aliba osettem nung noklang nung shilem 10 ajemtsü aser app amshia

shishiba nung noklang nung shilem 15 ajemtsütsü. Ano Amazon app amshia Yatra.com ajanga linük telungtet nung hotel takdang jilia mangara sen 1,000 ajemer agüsütsü. Iba sen ajembaji sen 500 ser tema

shishirtem asoshi lir. Amazon-i sale aser tanga inyakyim ajanga parnoki ayokba osettem nung sen ajemer yoka customer tem atsüba den külemi ano parnok tarutsü mapang India nung e-commerce inyaker tulutiba akümtsü asoshi dena meranga inyaker.

Mongintemi ashiba agi, Amazon-i kanga shisa kaa sen intoker, parnoki nungdakba mapa nung parnok ajungkettsü asoshi inyaker.

## Kerala nunger kati pa indang auto tesülen 'Scorpio' amai yangluba sülen Scorpio ka angu



**May 05, 2017 :** Mahindra SUV garitem ya linük nung tang kanga apunger aser nüburttemi kanga nükshir. Mahindra & Mahindra Limited-i yangluba, tetsüing pezü aketba gari, Scorpio ya balaka tesapur jenti lir.

Kechiba yamaji ashir ? ta süra, tatalokba ka lir.

Kerala nunger Sunil PS-i Scorpio gari ya kanga meimba ajanga pa indang tetsüing asem aketba auto rikshaw ka tesülen Scorpio mesüka yanglu.

Twitter amshir kati Sunil-i perapiteta auto tesülen Scorpio amai yangluba noksa ka Anand Mahindra dangi yokba sülen Mahindra Group nung Executive Chariman, Anand-i shisatsü tulu aketba nisungji jangjanüa aküm.

Anand Mahindra kanga süngmanga pelaba ajanga Sunil nem tetsüing pezü keta aliba, shitakba Scorpio ka den Scorpio mesüka yangluba auto ji melenteper par company museum nung ayutsü asoshi tashi bilem.

Kangsa junga yangluogo. Iba noksa lemsatepba asoshi kanga pelar. Nai iba nisung aliba tesem bushiba nung ni yaritsü akoktsü na ? Ni pai yanglubaji onok museum atema alir pa nem tetsüing pezü aketba Scorpio gari ka agüsüner, ta Anand-i Twitter amshisang tang jagi tweet asü.

Twitter ajanga iba nisungji kara ngutet aser Anand Mahindra-i nangzükba ama tangbo Sunil Scorpio kibur kümer kanga nema tanga lir.



## Mapang agiaka ochi obendang agütsüogo: Nirbhaya tebu Nirbhaya ken o nung SC telemtetba

### pela agizüker: Maneka



New Delhi, May 05 : Nirbhaya tepsetba ken o nung Hokolbarnü Supreme Court-i aibelener pezü nem tasüba temerenshi obendang agütsüba sülen Nirbhaya'er tsürabur, Asha Devi (ajichi) aser Badrinath Singh (tiyong) nati osangbenertem senden ka nung jembiba noksa nung angur.

**New Delhi, May 05**

(Agencies): 2012 küm December ita Delhi nung tebur telok kati bus nung Nirbhaya tashiyim amshia raksatsüba sülen la tepsetba ken o nung tanü Supreme Court-i aibelener pezü nem tasüba temerenshi agütsüba sülen Nirbhaya'er tsüraburtemi judiciary dang pelaba lemsatepogo.

"Mapang talangka agiaka ochi obendang agütsüogo, joko tangbo onok tesasaba kecha mali," ta Nirbhaya tebu, Badri Singh-i ashi.

"Iba ya ozü kibong atema takok ka lir, iba obendang agi ni kanga pelar," ta paisa ashi.

Ano Nirbhaya tetsüia, "Ozü jalai ochi obendang nguogo, ni judiciary dang pelar," ta ashi.

Tanep Badri Singh-i, "Supreme Court-i ochi obendang agütsüta ta ni tamang akar," ta jembia liasü.

"Supreme Court jibo tokjang, item ama nisungjibo Tsüngremia tai matoktsü. Parnok nem tasüba temerenshi obendang agütsüta," ta tanep pai

jembia liasü.

"Aibelenertem nemji tasüba temerenshi agütsüta, ibaji magizüki malitsüla," ta tanep Nirbhaya tetsü, Asha Devi-ia jembia liasü.

Laisa, "Onoki judicial dak tamang akar aser aibelenertem nem Supreme Court-i tasüba temerenshi obendang agütsüta ta ni amanger. Supreme Court-i ozü jala nem ochi obendang agütsüta ta ni amanger. Ibaji ajanga alima dang tansütsü sayutsü," ta laisa ashi.

## India-i South Asia linüktem indang satellite khakettsüogo

**Bengaluru, May 05**

(Agencies): Hokolbarnü Geosynchronous Satellite Launch Vehicle-F09 (GSLV-F09) nung India-i South Asia linüktem nem agütsüba Geostationary communication satellite-9 (Gsat-9), Geostationary orbit kati takok ngua khakettsüogo, aser iba ya electric propulsion amshiba mezüngbuba Indian satellite lir.

Tanü nikongdang 4:57 ako meta Geosynchronous Satellite Launch Vehicle (GSLV-F09) ya Andhra Pradesh nung aliba Satish Dhawan Space Centre launch pad nungi khakettsü.

Ato kilonser, Narendra

Modi-i benokba project ya ajanga Pakistan linük dak alaka South Asia tesem nung aliba linük tenetprong tajanzük angutsü.

Iba dak sendakba nung Ato kilonser, Modi-i Afghanistan, Bangladesh, Bhutan, Nepal, Maldives aser Sri Lanka lenirtem dang pelaba lemsatep.

Gsat-9 ya ajanga South Asia kübok linüktemi sen kecha meindoki satellite ajanga tajanzük balala angutsü.

Iba project nung India-i sen ajak agi crore 450 shi intok, aser iba nungji satellite kija nung intokba senji crore 235 lir.

Iba satellite ajanga

applications, services-television, Direct-to-Home (DTH), tele-education, telemedicine, Very Small Aperture Terminals (VSATs) aser disaster management nung India kidangertem ajanzüktsü.

2014 küm Modi Ato kilonser menden atema tenangzükba agiba sülen hopta ishika tsünga pai, iba South Asian Association for Regional Cooperation (Saarc) satellite project atema sangdonga liasü.

Taoba hopta Modi-i, iba satellite ya India-i kidanger linüktem nem sen aika jenjang sempet agütsüba lir, ta metetdaksü.

**New Delhi, May 05** (Agencies): 2012 küm Delhi nung tebur telok kati Nirbhaya tashiyim amshia raksatsür tepsetba ken o nung Hokolbarnü Supreme Court-i aibelener ajak nem tasüba temerenshi agütsüta obendang agütsüba sülen Women & Child Development Union Minister, Maneka Gandhi-i SC telemtetba atema pela lemsatepogo.

Osangbener den jembidang Union Minister Maneka-i, "Tashiyim amshia taküm raksatsürtem nem Supreme Court-i tasüba temerenshi obendang agütsüta osang jangja-a ni pelar. Atangji iba tatalokba tu khenyongi ozüng alema inyakba mapa tamajung ka liasü," ta ashi.

Lai ashiba agi, 2012 küm December 16 aonung bus ka nung tebur telok kati tashiyim amshia Nirbhaya raksatsür

tepsetba osang ajanga linük nüburtem ajak aoksa, aser iba tatalokba sülen tashiyim amshia taküm raksatsüba ozüngtem nung temelenshi liasü.

"Aibelener pongububabo arishi küm nung tanur (juvenile) asüba ajanga chiokogo. Ozüng alema benshiba mapa tamajung aser Nirbhaya-i ajangshiba timtem ajanga tashiyim amshia raksatsüba dak sendakba ozüngtem tesashiba akum. Juvenile Justice Act nunga 'juvenile' kümji arishi küm 16 tashi ajema alu (tamalen arishi küm 18 liasü). Ibaji ajanga tarutsü nungbo aibelener timba pua arutetsü," ta lai ashi.

Iba jenjang tashi tongtetsü atema judicial system-i küm pongu tashi agibaji mapang talangka lir, ta lai ashi.

"Ajisiaka India ozüng putiotstü nungbo ibaji mapang kanga tatsüka dang lir," ta laisa shisem.

## UP: gari lendong nung nisung 14 asü



**New Delhi, May 05**

(Agencies): Hokolbarnep züngia Uttar Pradesh, Etah district nung mini truck ka tsükokba lendong nung nisung 14 asü aser nisung 24 yiruogo.

Asürtemji Agra district kübok Nagaria aser Shamshabad yim na nungi lir.

Osang angazükba agi, kiyimba benjung ka nung adenba sülen kibong kati mini truck ka hire sür kinüngertem Sakrauli yim nungi Agra-i meyipa aruba mapang tanep 3:30 ako meta Etah district kübok Sarai Neem

tesem nung iba lendong ya atalok.

Gari anisangji anünia liasü, ibayongji pai gari mazüokteti tsükokdaksü.

Yirua alirtemi Jalesar primary health care centre nung yaridar.

Iba osang metetdakja Satyarth Senior superintendent of police, Anirudh Pankaj-i, iba lendong nung nisung 14 asü aser gari tsükokba kulijibo mejangja; gari jagi 'railing' tsükboka ayong tila nung tsükok, ta metetdaksü.

## Shivpal Yadav-i party tasen sangdong

**Lucknow, May 05**

(Agencies): Samajwadi Party (SP) telung nung telemsa adoka aliba osang jangjaja Hokolbarnü Samajwadi Party lenir tain, Shivpal Singh Yadav-i, party tasen ka tentetsü aser party tasenbaji 'Samajwadi Secular Morcha' asütsü, ta sangdongogo.

Party National secretary ji Mulayam Singh Yadav asütsü, ta paisa metetdaksü.

"Pa (Mulayam) akhümket asentenshitsü aser Samajwadis ajak longjemtsü atema Lucknow nung secular front party indang sangdongtsü," ta Shivpal-i osangbenertem dang metetdaksü.

Shivpal-isa iba dak sentakba nung state aser National level

nung lenirtema ajurua jembitsü. Party tasenba nungji minorities, aluyimertem aser lanurtema dendaktsütsü.

Taoba ita Shivpal-i taoba Uttar Pradesh chief minister, Akhilesh Yadav dang Mulayam tanaben party tongti lenir kumdakjang ta mepishia liasü.

Shivpal-i, Akhilesh Yadav-i mezüngbuba nung party aser kibong longjemdaksütsüla, ta ashi.

UP assembly election nung SP-i tamakok mejungi anguba atema Mulayam-i par jabaso, Akhilesh nem tai tonglokja liasü.

Iba election nung Samajwadi Party-i UP assembly menden 403 nungi menden 47 nung dang takok angu.



Dehradun (Uttarakhand), May 05, 2017: Hokolbarnü Uttarakhand yimtiba, Dehradun nung Indira Gandhi National Forest Academy (IGNFA) Annual Convocation sentong nung Tir, Pranab Mukherjee-i kaketshirtem nem degree lemstüba noksa nung angur.



Pyongyang, May 5, 2017: Hokolbarnü North Korea lenir Kim Jong Un-i anüolentip tsütsü aliba tzü anasa Jangjae Islet aser Mu Islet tesemtem nung Hero Defence osettem salaa yokba noksa nung angur.

## US aser S. Korea nati linük lenir biochemical amshia tepsettsü merang; N. Korea

**Washington, May 5 (Agencies) :** North Korea-i, US aser South Korea linüktem nungi itdangitertermi linük lenir, Kim Jong-un biochemical ('nano mim' mesüra 'radio active') oset amshia tepset merang saka takok mongutet, ta aija ashi.

North Korea ministry of state security-i, CIA aser South Korea nung Intelligence Service (IS) nati tetsübuttsü aketba mapa ka inyakogo. Parnok North Korea-i itdangitertermi asoshi aita ozü lenir tepsettsü merang, ta Hokolbarnü ashiba linük osangbenertem sangdong ka ajanga metetdaksü.

Ministry-i, Russia nung aliba North Korea senso ka nem item itdangitertermi yagi sübokrem agütsü aser pa linüki aruba sülen Kim tepsettsü asoshi shisatsü nung renemtsü, ta ashi.

Parnokisa ashiba agi, South Korea IS-i iba nisung nem sen aser satellite ajanga tongtepratepba oset peria

agütsür Kim Jong-un telok senden nung adenba mapang biochemical oset amshia tepsettsü yok.

Ministry-i, aiben tongtepratepba aser sen jenti agütsüba sülen IS tem jagi North Korea nungba dangji taoba ita ang biochemical oset koba amshitsü ibaji CIA-i agütsütsü ashi, ta metetdaksü.

Kechi kodaser iba sentong raksatsüsa akümar ibaji ashitsü makok mesüra iba sang tenüng komaser temai adoka metettsüsa aküm ibajia mejangja. Ajisüaka pa tenüng Kim ta dang shia lir aser iba dak sendakba nung shinga pua lir mali ibajia memetdaksü.

Sangdong ajanga ashiba agi, US aser parnoki sentong nung tsüngsanga anidakba linük, South Korea nungertemi kiralongratsü tasa asaba aser itdangiterba nokdangtsü asoshi North Korea-i tang nungi Korea yimya nung inyak tenzütsü.

US Embassy, Seoul aser South Korea National Intelligence Service nati iba dak sendakba nung ano telangzüba kecha magütsü.

Taküm küm tetenzüklen, Pyongyang-i 'chemical war agent VX' amshia North Korea lenir tedi, Kim Jong nam Kuala Lumpur tayimtsü anenba tesem nung tepset, ta Seoul-i aitsüba ajanga US-i North Korea ji kiralongrar nem teyari agütsür linük tarensen rongi yok. Ajisüaka North Korea-i ibaji aitsüogo.

North Korea-i missile aika tendangba sülen hopta ishika tesem nung tensa kanga mejungi kümogo aser US Tir Donald Trump'er administration-i ibaji atema ola adokogo.

US-i Korea Peninsula tashi navy strike group yokogo aser ibaji ajanga Pyongyang kanga jashir, saka US ketdangsertemi, rara tapu ajak asoshi renema lir, ta shiogo.

## Eiffel Tower nung Le Pen anem banner mesang

**Paris, May 5 (Agencies) :** tulu ka Eiffel Tower, Paris nung Hokolbarnü Greenpeace mesanga liasü.

"Linük nung ajak kasa, nungitpeper aser pei aginüba shimtettsü aoshi nüji aginba nüburtemi mamatsüla ta onoki shiner," ta lenir Jean-Francois Julliard-i radio ajanga 'Nokdangang' ta züluba banner metetdaksü.

Iba banner ji mesanger minute 45 ang lirbo agien, ta osangbenertemi ashi.

Deobarnü linük Tir election agitsü lia Le Pen aser centrist candidate Emmanuel Macron na Hokolbarnü tatembang buba nübuyim sentong agiba mapang iba longkak aitba atalok.



Beita, May 5, 2017 : Hokolbarnü West Bank yim, Beitalrael nung aliba Israel nung tepuokdak Israel sepaitemi Palestine nung tepuokdak alirtem lumia longkak aitba sema longkak aitter Palestine nungertem den raratepba noksa nung angur.

## Nancy Pelosi-i Dalai Lama den ajurutep

**Dharamsala, May 05 (Agencies) :** US nungi House of Representatives nung Democratic Party lenir, Nancy Pelosi-i aniba telok kati Dharamsala nung taruba hopta Dalai Lama den ajuruteptsü, ta Hokolbarnü ketdangser kati ashi.

US nung congress züngsem teneti Pelosi meina arutsü. Pelosi-i mapang talangka nung Tibet tebilemstü nungita liasü. La meina arutsüpurji Jim Sensenbrenner, Eliot Engel, Jim McGovern, Betty McCollum, Judy Chu, Joyce Beatty aser Pramila Jayapal nungertem lir.

China-i Dalai Lama ji China aser Tibet na tebandang adokdaksür ka ama züngshir.

Tibet nungi jena arua Dharamsala, India nung jenoka alisang den US nungi züngsemtemi May 9 aser 10, 2017 anogotem nung ajuruteptsü, ta Central Tibetan Administration (CTA) nung otongdar kati osangbenertem dang ashi.

Dalai Lama den ajurutepa dang masü saka parnoki ano CTA nung inyakertem aser tang linük toktsür jenshia alisang,

Ato Kilonser Lobsang Sangay nung dena ajuruteptsü.

Pelosi-i March 2008 nung Dharamsala semdangba sülen tan mezüng semdangtsü. La 2008 küm aruba mapang la US House of Representatives nung Speaker liasü aser 2007 küm Dalai Lama nem Congressional Gold Medal agütsüba inyakim nung la tongti liasü.

US-i Dalai Lama semdangtsü osang angashia China-i aitsüogo.

"US Congress-i tan mezüngsüa onok semdangtsü sentong aser Nancy Pelosi-i Dharamsala tanaben semdangtsü angashia kanga pelar," ta Sangay Lobsang-i ashi.

Congress lenirtem agizütsü asoshi CTA-i lokti ayonga lir. May 10, 2017 nü Tsuglakhang temple nung Dalai Lama-i iba senden nung silem agitsü. Iba temple ya Dalai Lama aliba ki anasa lir.

Dalai Lama den külempi Tibet nung 140,000 shi linük nungi jena ao aser item rongnungji parnok 100,000 shi India nung jenoka lir. Tibet nung Tibet nung nisung million trok dak tali lir.



London, May 5, 2017 : Britain Prince Charles aser Duchess of Cornwall, Camilla nati Hokolbarnü Burma nungi lenir Aung San Suu Kyi den Clarence House, London nung ajurutepba noksa nung angur.

## Pak. SC-i Nawaz Sharif mittsüpur tenüngtem metetdaksüogo

**Islamabad, May 5 (Agencies) :** Supreme Court Federal Investigation Agency (FIA) nungi Wajid Zia nungertem lir. Iba telok nung ya FIA director tekolak sür inyaktsü.

"JIT-i iba mapa ya tenzüka tembanger parnoki ngutetba tatembang osang April 20, 2017 nü metetdakja aliba ama agüjang," ta Hokolbarnü tetuyuba agütsüogo.

Parnoki metetdaksüba ketdangser pungu tenüngemji Inter-Services Intelligence nungi Brigadier Nauman Saeed, State Bank of Pakistan nungi Aamer Aziz, Security & Exchange Commission of Pakistan, Bilal Rasool, National Accountability Bureau nungi

Linük nung ajak dang temaba okadaki tuyuba ama inyaktsü asoshi SC nungi Chief Justice of Pakistan, Justice Mian Saqib Nisar tekolak sür züngsem asem agi akümba bench yagi tamalen, iba dak sendakba nung yimsüsü kari osang tiyazü bener aruba atema kanga jashia liasü.



**Arentoshi Zünga  
Merangkong**

**Tenünsang Agütsür**

Shri. Likoktemjen Yaden S/o Late Sümameren Yaden Merangkong, Tsüngrem taochi agi anema lia nai temaba jenjang SDO PWD menden tongtetba atema zünger ajaki nü nem konang tetushi agütsür.

Tsüngremi maneni ano nü mapa aser taküm tarutsü anogotem nunga moajangma ta sarasademtsür

*Zünger Tenüng nung;  
Sd/-  
Arentoshi,  
Merangkong Village.*

**Menungrar**



**Asür Imkongsenla Jamir (Molungyimsen)**  
Aso : 30-10-1984 --- Asü : 06-05-2016

Temeim Asen, küm ka süitema arudang anogo nung minute ka tanga na amatsü makoker. Temulungjang tenük agi na angr saka asangsang nung masü, aji saka nü tanela teti tatem maka tepela aser anisüngzükdak tesünep nung lir ta amanga, na meimba aser anepaluba kechisarena asoshi tenünsang agüja tanü onok sarasadema amonger.

*Temeimba Kinungbo, Tsürabur & Adianutem.*

**MEKULI BAPTIST CHURCH WOMEN  
MINISTRY AJANGA PELABA SANGDONGER**



Mekuli Baptist Arogo Women Ministry ajanga 3rd May 2017, Omen: Yisu Khristai Asenok Asoshi Anebalur. I Peter 5: 7 nung amenloker Medical Camp ka arogo nung ayongzüka akaba nung yimer aser yimtsür Medical Doctor-tem parnok 8 tashi jaoka kanga temoatsü aser tajangzük nung monga liasü.

Iba camp nung doctors, nursetem aser technician itemi liasü:


1. Dr. Temsusashi, Senior Specialist, Civil Hospital Dimapur
2. Dr. Imtisünep Jamir, Senior Specialist Kohima TB Hospital
3. Dr. Toshi Jamir, M.O ARTC District Hospital Tuensang
4. Dr. Sentienla Jamir, M.O PHC Longkhum
5. Dr. Temjenkaba, DCMO, Mon
6. Temjenyanger, Eye Technician
7. Temsürenla, Nurse Mkg Town
8. Chubasenla, Nurse Mkg Town

Nenek ajak dang kanga pelaba Arogotsür Women Ministry ajanga metetdaksür. Tongtipangsa nenok longjemer yimtsüng nung nütsüng nübur asoshi kanga aria bilema aser meima nenok nem agütsüba rongsen, shisatsü, temetetba, sempet mapang aser nübu ajak bendanga agüja tsüngdong arua yimer arogopur angati dang mozü agüja yariba aoshi kanga pelar aser tenünsang tulu agütsür.

Tsüngremi nenok mapa tajung asoshi maneni kija aser kibongtem moshia moajangma.

**Sd/-  
Kibubar Lu nung  
Narola Kichu  
Asso Pastor Women**

**Sd/-  
Kibubar Lu nung  
N. Arenla  
Secretary**



**THE DIRECTORATE OF INFORMATION  
& PUBLIC RELATIONS, NAGALAND**

**1<sup>st</sup> NAGALAND FILM FESTIVAL**

ORGANISED BY : DREAMZ UNLIMITED

CHIEF GUEST - Mr. IMTIKUMZUK,  
PARLIAMENTARY SECRETARY, IPR, NAGALAND

**FILMS TO BE SCREENED**

**SHORT FILMS:**

- THE STORY OF A RIVER - DIR: YAPANGHARD LONGKUMER - 05:00MINS
- STORY OF A HOUSE - DIR: SESINO THOSHU & SOPHY LASUH - 03:00MINS
- BACKWARD IS FORWARD - DIR: VITO SUMI - 03:12MINS
- BUSPHE - DIR: BENDANG WALLING - 8:00MINS
- AMATEUR SHORT FILM COMPETITION WINNER 1 - 03:00MINS
- AMATEUR SHORT FILM COMPETITION WINNER 2 - 03:00MINS

**DOCUMENTARY FILM:**

- OH MY SOUL - DIR: KIVINI SHOME 26:00MINS

**FEATURE FILM:**

- ONAATAH - DIR: PRADIP KURBAH 90:00MINS



**DATE**  
1<sup>st</sup> MAY 2017

**TIME**  
10 AM-6PM

**VENUE**  
CAPTAIN  
JAMSHONJI STADIUM,  
DIMAPUR



**OFFICE OF THE  
VILLAGE COUNCIL TSUREMMEN  
MOKOKCHUNG: NAGALAND  
PELABA METETDAKTSUR**

Tsüremmen yimtak May 01, 2017 anogo nung Moatsü mong takok ngua mongtettsüsa tongti tesemdanger ka ama aruagi adenba den rongsen tenla tulu agütsüba asoshi Tsüremmen Village Council-i Wb. Temsu Jamir, Joint Director, Food & Civil Supplies, Government of Nagaland dang kanga pelaba metetdaksür.

Ano, Tsüremmen Village Council-isa tejaoker, lokti tentettem, aser teyariteper tajungtem ajak dang nübo, mapang aser rongsen tenla tulu asoshi kanga pelaba shisemer..

**Talisa item dang ya pelaba lemsateper :**

1. Shri. L. Mayang Ao, DSP Vigilance & Anti-Corruption, Nagaland, Kohima.
2. Shri. S. Meren Ao, Dy. Manager (Project) NHHDC Ltd. Dimapur.
3. Shri. Temjen Imna Along Longkumer, Chairman REM Group.
4. Smt. Runa Sonowal, SDPO Titabor, Assam.
5. O.C. Mariani, Assam.
6. I/C Deprabar Titabor Charali, Assam.
7. Dr. Ripon Nath, Sub-Centre Mogrigaon.
8. Shri. B. Jongpong, Deputy Kilonser, NSCN/GPRN.
9. Shri. N. Nungsang Longkumer, Retired Teacher.
10. Shri. Watitemjen, Teacher, GMS Tsüremmen Village.
11. Shri. B. Atoba Imchen, Pastor Tsüremmen Baptist Church.
12. Smt. Asola, Associate Pastor (Women) Tsüremmen Baptist Church.
13. Shri. L. Imnuk Longchar.
14. Shri. Tali Pongen, Advisor, All Nagaland VDB Association.
15. Shri. Tiasenmong Raj Kumar, G.B. Mogrigaon.
16. Shri. Imti Longchar, Journalist Morung Express.
17. Shri. Talitoshi, Vice President, 30th Alongtaki A/C BJP Mandal.
18. Miss. Watila Longkumer, Proprietor M/s. Naro Ki, Dimapur.
19. Shri. Alem, President Tsurangkong Students' Conference.
20. Japukong Youth Organization.
21. Village Council Yajang 'C'
22. Village Council Yajang 'B'.
23. Model Village Yajang.
24. Village Council Akomen
25. Akomen Arju.
26. Liremen Arju.
27. Team members of News live 24x7 television channel.
28. Olangoi Tsüremmen Village.
29. Watsu Tsüremmen Village.
30. Arju Tsüremmen Village.
31. President and his colleagues Mogrigaon.
32. Advisor, AATTA and his colleagues.

**Sd/-  
K. BENDANG IMCHEN, (Chairman)  
Tsüremmen Village Council  
Mokokchung, Nagaland.**



## Shiva aser Sumit-na Asian Boxing C'ship final tongogo



Shiva Thapa



Sumit Sangwan

**Tashkent, May 05 (Agencies):** India nungur tesünteper seret 60 telesa nung jenjang pezububa nung alisang, Shiva Thapa aser seret 91 telesa nung Sumit Sangwan-na Asian Boxing Championship final tongogo.

Semi-final nung Shiva-i Olympics nung bronze medal ngur alisang, Mongolia nungi Dorjnyambuug Otgondalai akok aser Sumit-i Tajik Jakhon Qurbonov madak takok angu.

Maneni seret 75 telesa nung

India nungur Vikas Krishna-i semi-final nung 'walkover' ajanga bronze medal nguogo aser Korea nungur Lee Dongyun final-i ai.

"Tanü (Hokulbar) 'weigh-in' nung Vikas Krishna maliasü, anungji pa den tsüngteptsü alisang South Korea nungba final-i 'walkover' süogo," ta Asian Boxing Confederation sangdong ka nung ashi.

Iba tsüngtepta nung Vikas-i 'walkover' agütsüba küli tejangja iba osang züluba tashi nung agüja

mali.

Shiva ya World Championship nung bronze medal ngua lir aser pai Asian Games nung tang Champion bena alisang, Mongolia nungba den tsüngtept. Semi-final nung China nungur Jun Shan akoksang, Uzbekistan nungur Elnur Abduraimov den Shiva final asayatsü.

Tesüsabuba Asian Championship 2015 nung India-i medal pezü ngua lir. Iba mapang Shiva-i India nungur asoshi silver medal ngutsü, L Devendro Singh (seret 52) aser Satish Kumar (seret +91) nati bronze ngua liasü.

India-i Asian Championship nung tesüsa gold medal ngua aliba ya Shiva-i 2013 küm angu aser iba mapang pa 'bantamweight division' nung asaya. Iba masüdüng M Suranjoy Singh (seret 52)-i 2009 küm gold ngua lir.

## Messi nem tenokdangba agütsüba agienogo

**Buenos Aires, May 05 (Agencies):** International asaya pezü tashi nung shilem magitsü tenokdangba agütsür aliba tanaben reprangshiba sülen World Cup qualifier atema Argentina telok nungi Lionel Messi asayatetsü.

Chile den March ita asayadang Argentina-i 1-0 agi akok aser iba asaya nung arishi küm 29 tain Barcelona forward, Messi-i assistant referee dang mezüngmeshi o ashiba ajanga iba tenokdangba agüja liasü.

World Cup qualifier asaya Argentina aser Bolivia tsüngda asayaba nung pa masaya. Iba asaya nung Bolivia-i 2-0 agi

Argentina madak takok angu.

Pa indang yimya nung tashishitsü liasü saka kuli tejangja mongutet, ta FIFA appeal committee ajanga ashi.

Taruba küm Russia nung FIFA World Cup asayatsü aliba asoshi Argentina anu maangka monguteti lir aser Uruguay, Venezuela aser Peru den asayaba mapang Messi-i shilem agitetsü.

Iba ken o nung Messi dang senchi sen £7,800 achitsü lemteta aliba agienogo.

Chile den asayaba mapang Messi-i asaya nung aibelenogo ta assistant referee-i totuyuba agütsüba ajanga pai tejashi agi

referee den ain adoka jembiba camera nung angu, saka iba mapang pa nem card magütsü.

FIFA World Cup nung asayatsü atema qualifier asayaba nung telok 10 rongnung Argentina ya pongububa jenjang nung lir. Iba telok nungi temaba jenjang pezü nung alirtem pasasa World Cup nung asayatetsü aser jenjang pongububa nung aliba telok ya 'play-off' asayatsü.

FIFA World Cup qualifier nung Argentina ya August 31 nung Uruguay, September 5 nung Venezuela, October 5 nung Peru aser October 10 nung Ecuador den asayatsü lir.

## Ao arangtet tatidang tenyim balala... (TAPAK 1 NUNGI)

"Aor sürnung pei tetsü oshi mejembitetbaji maaksü tulu aser Ao o nung züluba kakat mezüngnübaji konang masü, anungji, tsüraburtemi chirnur dang item indang angateta kibok nung sayutsüla", ta paisa tayongzükba ka agütsü.

"Tenyim balala nung degree/ diploma ngur ajemajema alitsüba masü, saka nenoki anir Ao Senden Literature Board den amalitepa Ao kakatkeno aser oshiooben renlokba nung shilem agitsüla", ta paisa takokertem ayongzük.

Aor kakatkeno aser oshiooben renlokba nung tongti shilem agia yarir tsürabur parnok 17 nem tetushi agütsü. Parnokji; M.D Akokba Jamir (Longsa), Chubatemsü Jamir (Süngratsü), Asür Sosangmeren (Ungma), Asür S Mongsen (Salulamang), Asür S. Bendang (Chungliyimsen), Asür T.Nokpang Jamir (Kelingmen), Asür Rev. Chujangneken (Chungtia), Asür Akum Kichu (Aliba), Asür Rev. L. Pona Jamir (Mopungchuket), Asür Obangtiba Pongen (Chuchuyimlang), Asür

Rev. K. Lanumeren (Lakhuni), Asür Kilensowa (Mkg), P.Renthy Jamir (Ctn), Rev. M.Luen (Merangkong), Er. I.Shilu Yaden (Merangkong), Rev. Dr. T. Alemmeren (Mkg) aser Dr. Chubatola Aier (Waromung) nungertem liasü.

Iba den ano Ao oshi nung ken mejema küm 25 tashi nübur yariba ngua "Samaro" kentener telok nung züngsem Wati Jamir (Waromung), Sakutemsü (Khensa) aser Lima Imsong (Unger) parnok nema tetushi senpet agütsü.

## Nisung shibelenba indang 'legal... (TAPAK 1 NUNGI...)

"Asenoki 'Human trafficking' aser 'Missing persons' ta asüba orentem ya mangashidangi liasü, kechiyong tsüraburtemi mulungsoa dang pei chirnurtem tangaleni aotsü atema melar, saka ibaji ajanga tsüraburtemi memeteti 'Human trafficking' nung shilem agi. Ano, agent kari maangka agia, tanurtem zübazüba anir aoer aser parnok kilitsü atema tangar dang yokdoker." ta Dr. Temsula-i ashi.

"Nisung shibelenba atema tongtipang alizüng kaji, teküp ayoktsü atema lir aser iba khuret ya alima nung nisung million 4.5 shi kati ajurur. Iba sülen, tanü putu nung alar ayuba aser nisung mang nungi shilemtem agizüka ayoktsü atema nisung shibelenba

mapa inyaker. India nung nisung shibelenba inyakyim kanga lir aser North East nung iba mapa kanga bulua inyaker. Police data ajanga ashiba agi, Nagaland nung anogo pezü shia nisung ka samar aser samartem noklang nung shilem 83 ji arishi küm 18 teküpokpur," ta laisa shisem.

Naga nungertemi nisung shibelenba inyakyim ya kanga junga metettsüla aser nokdangtsüla. Iba inyakyim ya asenok sobaliba ozüngtem ajanga mekoktetsü saka tanü putu nung ozüng amertemi ang inyaktetsü. Iba asoshi police kanga tongtipang aser Police, Child Rights agency tem, Labour Department, Social Welfare, Mental Health aser NGO temi yaritepa inyaksüla, ta NSCW

Chairperson-isa ashi.

Sentong nung One Stop Centre (OSC) Central Administrator, Vikereno-ia SAKHI, OSC scheme indang osang metetdaksü.

SAKHI, OSC scheme ya Ministry of Women and Child Development-i Nirbhaya Fund ajanga teyari agüja lapoker. Item centre ajanga tetsür nem teyari agütsür aser Nagaland kübok Dimapur nung June 2016 aser Kohima nung December 2016 nung lapokogo, ta Vikereno-isa shisem.

Tanü agiba sentong nung mendenji NSCW Member, Asangla Chalong liasü, Chubasangla-i temoatsü meshia sarasadem aser BYE Sangtam Baptist Church Kohima-i ken ka aten.



MAY 06, 2018 ASAYA

Hyderabad VS Pune - 4:00 PM

Mumbai VS Delhi - 8:00 PM

MAY 4, 2017 ASAYA OSANG

Punjab-i runs 19 agi Bangalore akok



Mokokchung, May 05 : 2017 May 2 nü Luyong Public Ground nung Luyong Kaketshir Telungjem-i ayongba 'Moatsü Challenge Penalty Shootout Tournament' takok ngua tempangogo. Iba sentong nung tongti tesemdang Wb. J.I. Yaden (retd. IGP) Kohima, Nagaland liasü. Iba asayamong nung telok 20-i shilem agi aser Tuli Moatsü teloki mezüng jenjang ngutet aser tanabuba jenjang Old Age teloki angu. Mangyanger Longkumer-i goalkeeper tajungtiba sempet angu.

## Nirbhaya ken o nung tai... (TAPAK 1 NUNGI...)

December 16, 2012 aonung physiotherapy azünger tetsürla aser lar medemer ka Delhi anüolentip tsütsü bus gari ka ayaketa tua amen. Ajisüaka, bus gari nungji tebur troki tetsürla tashiyim agi raksatsü aser reshikangshi asü. Iba lendong atalokba sülen anogo 13 lir külen, la Singapore mozüki ka nung asü.

Iba tatalokba sülen India nung dang masü saka bendang linüktem nung nisungtemi ola adoka lungkak ait aser 2013 nung trial court kati la dak tashiyim mapa inyaker tasüba agi merenshitsu oshidang agütsü aser küm ka lir külen high court-ia ibaji pusema nungit. Saka, tai tongloktsürtem- Akshay Thakur, Vinay Sharma, Pawan Gupta aser Mukesh nungertemi Supreme Court nung taochi sayuang ta temepishiba ken o ka benok.

Okadaki obendang magütsüdüng March 2013 nung bus gari anir Ram Singh bo

tepuokdak soseta asü aser nisung trokbubaji, pa apuba mapang arishi küm 18 ano mejungi aliba ajanga 'juvenile law' kübok aitsü aser pa küm asem tashi correction home ka nung ayuba sülen December 2015 nü idak nungjagi chiokogo.

"Ni kanga pelar" ta tanü Nirbhaya tetsü Asha Devi-i ashi aser külen tebu BN Singh-ia "iba ya ozü kibong atema dang masü saka asen linük nung tetsür shiai takok anguba ka lir" ta osangbener dang ashi.

"Supreme Court-i dang masü, Tsüngremia item nisung dak tai matoktsü. Parnok nem tasüba temerenshi agütsütsüla" ta tanü obendang magütsüdüng BN Singh-i osangbener dang shia lir.

Tanü Supreme Court-i süngzü agi alensettsü obendang agüjaka, tai tonglokja alir nisung pezüü SC obendanganema temepishiba ken o anaben aser presidential pardon khen meshitsü atema lenmang lir.

## UNTABA-i sorkar dang... (TAPAK 1 NUNGI...)

Peren nungi Mon district tashi Nagaland aser Assam den arrtsüa aliba tesemtem nung Assam den mesüra shinga dena mangatettep mali aser shingia Naga nungur litsü nung DAB ama Naga nungur litsü mekazüka ayutsü makok, ta UNTABA-isa metetdaksü.

Nagaland sorkari arrtsü

tesemtem nung NAP mapa lezmütsütsü aser arrtsü anasa aliba yimtsüng ajak nung Polling Station yem lapoktsü atema UNTABA-isa ayongzük.

Nagaland aser Assam tsüngda arrtsü ken o atema Chief Minister-i temulung agüja mapa inyakba atema kanga pelar, ta UNTABA-isa ashi.

## BIEMDANGANG

"Medemertemi agütsüba sempet ajunga ya na pelatsü asoshi lir"